

Handwritten mark resembling a stylized character or signature.

社121
673
部大:64



文獻通考卷第二百五十



鄱陽馬端臨貴與著

帝系考一

帝號歷年

黃帝少典之子姓公孫名軒轅生於壽邱神農氏世衰諸侯相侵伐蚩尤最暴黃帝徵師諸侯擒殺蚩尤諸侯尊黃帝為天子在位百年崩年百一十歲

帝顓頊高陽黃帝之孫昌意之子繼黃帝為天子在位七十八年崩年九十八歲

帝嚳高辛黃帝之曾孫元囂之孫蟠極之子繼顓頊為

天子在位七十年崩年百五歲

帝堯帝嚳之子姓伊祁名放勳帝嚳崩而長子摯代立封堯爲唐侯帝摯立不善在位九年唐侯德盛乃禪位於唐侯堯以甲辰卽位都平陽號陶唐氏在位七十年薦舜攝政又二十八年崩在位九十八年壽一百一十八首甲辰盡癸未

帝舜顓頊七世孫瞽瞍之子姓姚氏名重華年三十堯舉之年五十攝行天子事年五十八堯崩年六十一以丙戌歲代堯踐帝位都蒲阪號有虞氏二十一年以丁巳歲禪於禹又八年崩壽一百歲首丙戌盡癸亥

夏禹顓頊之孫鯀之子姓姒氏名文命治水有功舜使宅百揆年七十三以丁巳歲受舜禪卽天子位都平陽安邑在位二十七年癸未崩壽百歲

啓禹子以甲申嗣位九年壬辰崩

太康啓子以癸巳嗣位二十九年辛酉以盤遊無度爲有窮后羿距於河失邦而崩

仲康太康子以壬戌嗣位十三年甲戌崩

帝相仲康子以己亥嗣位二十八年壬寅爲羿所弑寒浞殺羿并滅相相之臣靡逃於有鬲氏相之后還於有仍氏生少康至四十一年壬午靡自有鬲氏滅寒浞而

立少康

少康相子以壬午滅寒浞嗣立二十二年癸卯崩

帝杼少康子以甲辰嗣立十七年庚申崩

帝槐杼子以辛酉嗣立二十六年丙戌崩

帝芒槐子以丁亥嗣立十八年甲辰崩

帝泄芒子以乙巳嗣立十六年庚申崩

帝不降泄子以辛酉嗣立五十九年己未崩

帝扃不降子以庚申嗣立二十一年庚辰崩

帝廛扃子以辛巳嗣立二十一年辛丑崩

帝孔甲廛子以壬寅嗣立三十一年壬申崩

帝皐孔甲子以癸酉嗣立十一年癸未崩

帝發皐子以甲申嗣立十九年壬寅崩

帝履癸是爲桀以癸卯嗣立四十三年乙未以失道爲

殷湯所伐戰於鳴條師敗湯放之南巢夏亡

右夏一十七世共四百五十九年首丁巳盡乙未

內寒浞篡位四十一年

殷湯契之十四世孫姓子氏各履以夏桀之三十五年

丁丑卽諸侯位自商邱徙都亳以乙未伐桀滅夏卽天

子位十三年丁未崩壽百歲

太甲湯孫以戊申嗣立三十三年庚辰崩

沃丁太甲子以辛巳歲嗣立二十九年巳酉崩

太庚沃丁弟以庚戌嗣立十五年甲戌崩

小甲太庚子以乙亥嗣立十七年辛卯崩

雍巳小甲弟以壬辰嗣立十一年癸卯崩

大戊雍巳弟以甲辰嗣立七十五年戊午崩

仲丁大戊子以己未嗣立十三年辛未崩

外壬仲丁弟以壬申嗣立十五年丙戌崩

河亶甲外壬弟以丁亥嗣立九年乙未崩

祖乙河亶甲子以丙申嗣立十九年甲寅崩

祖辛祖乙子以乙卯嗣立十六年庚午崩

沃甲祖辛弟以辛未嗣立二十五年乙未崩

祖丁沃甲兄以丙申嗣立三十二年丁卯崩

南庚沃甲子以戊辰嗣立二十五年壬辰崩

陽甲祖丁子以癸巳嗣立七年巳亥崩

盤庚陽甲弟以庚子嗣立二十八年丁卯崩

小辛盤庚弟以戊辰嗣立二十一年戊子崩

小乙小辛弟以己丑嗣立二十八年丙辰崩

武丁小乙子以丁巳嗣立五十九年乙卯崩

祖庚武丁弟以丙辰嗣立七年壬戌崩

祖甲祖庚弟以癸亥嗣立三十三年乙未崩

廩辛祖甲子以丙申嗣立六年辛丑崩

庚丁廩辛弟以壬寅嗣立二十一年壬戌崩

武乙庚丁子以癸亥嗣立四年丙寅崩

太丁武乙子以丁卯嗣立三年己巳崩

帝乙太丁子以庚午嗣立三十七年丙午崩

受辛帝乙子是爲紂以丁未嗣立無道三十二年戊寅

周武王伐之戰於牧野師敗受死殷亡

右殷二十八世共六百四十五年首乙未盡戊寅

周武王后稷十六世孫文王之子姓姬氏名發以商紂

二十三年己巳嗣爲西伯至己卯勝殷殺受卽天子位

七年乙酉崩壽九十三

成王名誦武王子以丙戌嗣立三十七年壬戌崩歲四

十四歲

康王名釗成王子以癸亥嗣立二十六年戊子崩

昭王名瑕康王子以己丑嗣立五十一年己卯崩

穆王名滿昭王子以庚辰嗣立五十五年甲戌崩

共王名繁扈穆王子以乙亥嗣立十二年丙戌崩

懿王名囂共王子以丁亥嗣立二十五年辛亥崩

孝王名辟方共王弟以壬子嗣立十五年丙寅崩

夷王名燮懿王子以丁卯嗣立十六年壬午崩

厲王名胡夷王子以癸未嗣立三十七年無道爲國人
所逐出奔周召二伯行政謂之共和十五年癸酉崩於
彘

宣王名靜厲王子以甲戌嗣立四十六年己未崩
幽王名宮涅宣王子以庚申嗣立無道十一年庚午爲
犬戎所伐敗死

平王名宜臼幽王子以辛未嗣立五十一年辛酉崩

桓王名林平王孫以壬戌嗣立二十三年甲申崩

莊王名佗桓王子以乙酉嗣立十五年己亥崩

釐王名胡齊莊王子以庚子嗣立五年甲辰崩

惠王名閔釐王子以乙巳嗣立二十五年己巳崩

襄王名鄭惠王子以庚午嗣立三十二年壬寅崩

頃王名壬臣襄王子以癸卯嗣立六年戊申崩

匡王各班頃王子以己酉嗣立六年甲寅崩

定王名瑜匡王弟以乙卯嗣立二十一年乙亥崩

簡王名夷定王子以丙子嗣立十四年己丑崩

靈王名泄心簡王子以庚寅嗣立二十七年丙辰崩

景王名貴靈王子以丁巳嗣立二十五年辛巳崩子猛

立爲悼王王子朝殺猛代立晉逐子朝立敬王

敬王名丐景王子以壬午嗣立四十四年乙丑崩

元王名仁敬王子以丙寅嗣立六年辛未崩

貞定王名介元王子以壬申嗣立二十八年己亥崩太

子去疾立爲哀王王叔襲殺之代立爲思王

思王以庚子嗣立爲其弟少隗所殺

考王名少隗以辛丑嗣立十六年乙卯崩

威烈王名午考王子以丙辰嗣立二十四年己卯崩

安王名驕威烈王子以庚辰嗣立二十六年乙巳崩

烈王名喜安王子以丙午嗣立七年壬子崩

顯王名扁烈王弟以癸丑嗣立四十八年庚子崩

慎靚王名定顯王子以辛丑嗣立六年丙午崩

赧王名延慎靚王子以丁未嗣立五十九年乙巳爲秦

所攻王奔秦盡獻其邑三十六秦受之是歲王崩周亡

右周三十七世共八百六十七年首己卯盡乙巳

內共和行政十五年 自周亡至秦始皇滅六國

稱皇帝以前首丙午盡己卯共三十四年

秦始皇伯翳之後莊襄王之子母呂不韋姬姓嬴氏名

政以周亡後九年甲寅嗣立爲秦王立二十六年庚辰

盡滅六國稱始皇帝後十二年辛卯崩

二世皇帝名胡亥始皇少子以壬辰嗣立三年甲午爲

趙高所弑立二世兄子嬰乙未漢高祖入秦子嬰降秦

亡

右秦二世共十五年首庚辰盡甲午

漢太祖高皇帝沛豐邑中陽里人姓劉氏名邦父太公母媪以秦二世元年壬辰年三十起兵為沛公乙未入關滅秦為漢王五年己亥滅項籍即皇帝位都長安十二年丙午崩壽五十三

孝惠皇帝名盈高祖太子母呂后以丁未嗣立時年十七在位七年癸丑崩壽二十四呂太后取後宮子以為帝子立之太后臨朝稱制九年辛酉呂后崩諸呂作亂大臣誅之立文帝

太宗孝文皇帝名恒高祖中子母薄姬年五歲立為代王二十三歲辛酉太尉周勃等迎立為皇帝在位二十三年甲申崩壽四十六

孝景皇帝名啓文帝太子母竇皇后三十二歲乙酉嗣立 在位十六年庚子崩壽四十八

世宗孝武皇帝名徹景帝中子母王美人十六歲嗣立 在位五十四年甲午崩壽七十一

改元十一	建元六	元光六	元朔六	元狩六
元鼎六	元封六	元初四	天漢四	
太始四	征和四	後元二		

孝昭皇帝名弗陵武帝少子母趙婕妤八歲乙未嗣立

乾隆十二年校刊

帝系一

八

在位十三年丁未崩壽二十二

改元三 始元六 元鳳六 元平一

中宗孝宣皇帝名詢武帝曾孫戾太子孫史皇孫子母王夫人昭帝崩無嗣大將軍霍光立昌邑王賀賀無道廢之更立帝時年十八丁未嗣立 在位二十五年壬申崩壽四十三

改元七 本始四 地節四 元康四 神爵四 五鳳四 甘露四 黃龍一

高宗孝元皇帝名奭宣帝太子母許皇后年二十七癸酉嗣立 在位十六年戊子崩壽四十三

改元四 初元五 永光五 建昭五 竟寧一

孝成皇帝名驚元帝太子母王皇后年二十己丑嗣立 在位二十六年甲寅崩壽四十六

改元七 建始四 河平四 陽朔四 鴻嘉四 永始四 元延四 綏和二

孝哀皇帝名欣元帝庶孫定陶恭王子母丁姬成帝無子立為太子年二十乙卯嗣立 在位六年庚申崩壽二十六

改元二 建平四 元壽二

孝平皇帝名衍元帝庶孫中山孝王子母衛姬哀帝崩無子太皇太后遣使迎立之年九歲辛酉嗣立 在位五年乙丑為王莽所鳩崩壽十四

改元一 元始五

王莽立孺子嬰自為攝皇帝三年至戊辰莽篡位

右西漢十二帝共二百一十四年始乙未盡戊辰
王莽以己巳篡位稱新室十五年癸未為漢兵所
誅淮陽王劉元立二年為赤眉所滅莽元共十六
年

改元四

建國五

天鳳六

地皇三

更始二

東漢世祖光武皇帝名秀南陽人高祖九世孫父南頓
令欽帝以王莽篡位之十四年壬午起兵乙酉即皇帝
位遷都洛陽時年二十九在位三十三年丁巳崩壽六

十二

改元二

建武三十一

中元二

顯宗孝明皇帝名莊光武第四子母陰皇后年三十以
戊午嗣立在位十八年乙亥崩壽四十八

改元一

永平十八

肅宗孝章皇帝名烜顯宗第五子母賈貴人年十九以
丙子嗣立在位十四年戊子崩壽三十三

改元三

建初八

元和三

章和二

孝和皇帝名肇肅宗第四子母梁貴人年十歲以己丑
嗣立在位十七年乙巳崩壽二十七

改元二 永元十六 元興一

孝殤皇帝名隆和帝少子生始百日嗣立丙午崩壽三歲

改元一 延平元

恭宗孝安皇帝名祐肅宗孫父清河孝王母左姬殤帝崩太后立為孝和皇帝嗣年十三以丁未嗣立在位十九年乙丑崩壽三十二

改元五 永初七 元初六 永寧一 建光一 延光四

孝順皇帝名保安帝子母李氏年十一以丙寅嗣立在位十九年甲申崩壽三十

改元五 永建六 陽嘉四 永和六 漢安二 建康一

孝冲皇帝名炳順帝子母虞貴人年二歲以乙酉嗣立一年崩壽三歲

改元一 永嘉元

孝質皇帝名讚肅宗元孫父渤海孝王母陳夫人冲帝崩皇太后詔嗣立時年八歲在位一年為梁冀所鳩崩年九歲

改元一 本初元

孝桓皇帝名志肅宗曾孫父蠡吾侯翼母偃氏質帝崩太后與梁冀迎立之年十五歲以丁亥嗣立在位二十

一年丁未崩壽三十六

改元七

建和三
壽三

和平二
延熹九

元嘉一
永康一

永興二

永

孝靈皇帝名宏肅宗元孫父解瀆亭侯母董夫人桓帝崩無子皇太后迎立之時年十二以戊申嗣立即位二十一年戊辰崩壽三十四

改元四

建寧四

熹平六

光和六

中平六

孝獻皇帝名協靈帝中子母王美人靈帝崩董卓廢少帝為弘農王立帝年九歲以己巳嗣立即位三十二年以庚子禪位於魏後十三年壬子崩壽五十四

改元四

初平四

興平二

建安二十四

延康一

右東漢十二帝共一百九十六年首乙酉盡庚子蜀漢昭烈皇帝名備涿郡涿縣人景帝子中山靖王勝之後父弘以建安十九年甲午取蜀二十四年己亥稱漢中王辛丑即皇帝位三年癸卯崩壽六十三

改元一

章武三

後主名禪昭烈帝子年十二以甲辰嗣立即位四十一年為魏所滅

改元四

建興十五

延熙二十

景耀六

炎興元

右蜀漢二帝共四十三年首辛丑盡癸未

魏文帝沛國譙人姓曹氏名丕武王太子以庚子受漢

禪卽皇帝位時年三十三在位七年丙午崩壽四十

改元一 黃初七

明皇帝名叡文帝太子年二十二以丁未嗣立在位十三年己未崩壽三十五

改元三 太和六 青龍四 景初三

齊王名芳明帝養爲子年九歲以庚申嗣立在位十四年癸酉爲司馬師所廢時年二十三

改元二 正始九 嘉平五

高貴鄉公名髦文帝孫東海定王霖子司馬師旣廢齊王迎立之年十四以甲戌嗣立在位六年己卯以討司

馬昭不克遇弒年二十

改元二 正元二 甘露四

陳留王名奐武帝孫燕王宇子司馬昭旣弒高貴鄉公迎立之年十五以庚辰嗣立在位五年乙酉禪於晉

改元二 景元四 咸熙二

右魏五帝共四十六年首庚子盡乙酉

吳大帝吳郡富春人姓孫氏名權長沙太守堅之子討逆將軍策之弟漢末封吳王及魏王丕篡逆權以辛丑歲稱帝在位三十一年辛未崩壽七十一

改元六 黃武七 黃龍二 嘉禾六 赤烏十三

會稽王名亮大帝少子以壬申年嗣立
在位六年為權臣孫綝所廢
庚辰歲亮以謠言自殺時年十六

改元三 建興二 五鳳二 太平二

景帝名休大帝第六子會稽王亮之兄
初封瑯琊王戊寅歲孫綝廢亮
迎而立之在位六年甲申歲崩時年三十

改元一 永安六

歸命侯名皓大帝之孫太子和之子
初封烏程侯景帝崩吳人迎而立之
晉咸寧末武帝令將軍王濬等率兵伐之
皓戰敗詣軍門請降太康元年徙皓洛陽封歸命

侯在位十七年壽四十一

改元八 元興一 甘露一 寶鼎一 建衡三 鳳凰三 天冊一 天璽二 天紀四

右吳四帝共六十年首辛丑盡庚子

晉世祖武皇帝河內溫縣孝敬里人
姓司馬氏名炎宣王之孫文王之子
以乙酉受魏禪即皇帝位時年二十九
在位二十六年庚戌崩壽五十五

改元三 泰始十 咸寧五 泰康十

孝惠皇帝名衷武帝第二子以庚戌
嗣立時年三十一在位十七年丙寅
崩壽四十八

改元七 永熙一 元康九 永康一 永寧一 太安二 永興二 光熙一

乾隆十二年校刊

卷之六 晉書 帝系一

孝懷皇帝名熾武帝第二十五子惠帝時立爲皇太弟
帝崩以丙寅嗣立時年二十三在位五年辛未劉曜石
勒兵陷洛陽蒙塵於平陽壬申遇害壽三十

改元一 永嘉五

孝愍皇帝名鄴武帝孫吳孝王宴之子洛陽傾覆奔長
安衆推爲太子懷帝崩以癸酉卽位時年十三在位四
年丙子劉曜陷長安丁丑遇害壽十八

改元一 建興四

右西晉四帝共五十二年首乙酉盡丙子

元皇帝名睿宣帝曾孫瑯琊恭王覲之子襲封鎮建鄴

愍帝遇害以丁丑嗣立時年四十一在位六年壬午崩
壽四十七

改元三 建武一 太興四 永昌一

明皇帝名紹元帝太子以癸未嗣立時年二十四在位
三年乙酉崩壽二十七

改元一 太寧三

成皇帝名衍明帝太子以丙戌嗣立時年五歲在位十
七年壬寅崩壽二十二

改元二 咸和九 咸康八

康皇帝名岳成帝母弟以癸卯嗣立時年二十在位二

年甲辰崩壽二十二

改元一 建元二

穆皇帝名聃康帝子以乙巳嗣立時年二歲在位十七年辛酉崩壽十九

改元二 永和十二 升平五

哀皇帝名丕成帝子以壬戌嗣立時年二十一在位四年乙丑崩壽二十五

改元二 隆和一 興寧三

廢帝名弈哀帝母弟哀帝崩皇太后詔立之以丙寅嗣立時年二十四在位六年辛未桓溫廢之

改元一 太和五

簡文皇帝名顯元帝少子封會稽王桓溫既廢海西公迎立之以辛未嗣立時年五十一在位二年壬申崩壽五十三

改元一 咸安二

孝武皇帝名曜簡文帝子以癸酉嗣立時年十一在位二十四年丙申崩壽三十五

改元二 寧康三 太元二十一

安皇帝名德宗孝武帝長子以丁酉嗣立時年十五在位二十二年戊午崩壽四十一

改元三 隆安五 元興三 義熙十四

恭皇帝名德文安帝母弟以己未嗣立時年三十四在位二年庚申禪位於宋遇害壽三十六

改元一 元熙二

右東晉十一帝共一百有四年首丁丑盡庚申

宋高祖武皇帝彭城綏興里人姓劉氏名裕以庚申受晉禪卽皇帝位時年五十七在位三年壬戌崩壽六十

改元一 永初三

少帝名義符武帝長子以壬戌嗣立時年十七在位二年癸亥徐羨之等廢弑之壽十九

改元一 景平二

太祖文皇帝名義隆武帝第三子封宜都王少帝廢大臣迎立之以甲子嗣立時年十六在位三十年癸巳爲元凶劭所弑壽四十六

改元一 元嘉三十

世祖孝武皇帝名駿文帝第三子封武陵王元凶劭弑逆入討賊以甲午嗣立時年二十四在位十一年甲辰崩壽三十五

改元二 孝建三 大明八

前廢帝名子業孝武帝長子以甲辰嗣立時年十六在

位一年荒淫無道遇弒壽十七

改元一 景和元

太宗明皇帝名彧文帝第十一子封淮陽王廢帝遇弒以乙巳嗣立時年二十六在位八年壬子崩壽三十四

改元二 泰始七 泰豫一

後廢帝名昱明帝太子以癸丑嗣立時年二十一在位四年丁巳以無道遇弒年二十五

改元一 元徽四

順皇帝名準明帝第三子封安成王廢帝殞蕭道成奉太后令立之以丁巳嗣立在位三年以己未禪於齊遇

害壽十歲

改元一 昇明三

右宋八帝共六十年首庚申盡己未

齊太祖高皇帝東海蘭陵郡人姓蕭名道成以己未歲受宋禪即皇帝位時年五十二在位四年壬戌崩壽五十六

改元一 建元四

世祖武皇帝名蹟高帝長子以壬戌嗣立時年四十二在位十二年癸酉崩壽五十四

改元一 永明十一

廢帝名昭業武帝長孫立爲太孫以癸酉嗣立爲西昌侯鸞廢而弑之二十二歲再立海陵王昭文復廢之

改元二 隆昌 延興

高宗明皇帝名鸞始安貞王道生之子既廢二帝以甲戌嗣立時年四十二在位五年戊寅崩壽四十七

改元二 建武四 永泰一

廢帝名寶卷明帝第二子以己卯嗣立時年十六立三年辛巳無道遇弑壽十九

改元一 永元三

和帝名寶融明帝第八子以辛巳嗣立禪於梁遇害壽

十五

改元一 中興元

右齊六帝共二十二年首己未盡辛巳

梁高祖武皇帝南蘭陵中都里人姓蕭氏名衍以壬午歲受齊禪時年三十五在位四十八年己巳崩壽八十

三

改元七 天監十八 普通七 大通二 中大通六 大同十一 中大同一 太清三

太宗簡文皇帝名綱武帝第三子昭明太子薨立爲太子以己巳嗣立三年辛未侯景廢而弑之壽四十九

改元一 大寶三

世祖孝元皇帝名繹武帝第七子封湘東王侯景篡立
王僧辨等起兵討誅景以壬申嗣立在位三年甲戌爲
西魏所滅遇害壽四十七

改元一 承聖三

敬皇帝名方智元帝第九子封晉安王魏克江陵陳霸
先等迎立之以乙亥嗣立在位三年丁丑禪於陳遇害
壽十六

改元二 紹泰一 太平二

右梁四帝共五十六年首壬午盡丁丑

陳高祖武皇帝吳興長城下若里人姓陳氏名霸先以

丁丑受梁禪時年五十四在位三年己卯崩壽五十七

改元一 承定三

世祖文皇帝名蒨武帝兄始興昭烈王之長子武帝受
禪爲臨川王以庚辰嗣立七年丙戌崩壽四十五

改元二 天嘉六 天康一

廢帝名伯宗文帝長子以丙戌嗣立在位三年戊子安
成王瑱廢之而自立未幾伯宗崩壽十九

改元一 光太二

高宗宣皇帝名瑒始興昭烈王次子以戊子嗣立時年
四十在位十三年壬寅崩

改元一 太建十三

後主名叔寶宣帝太子以壬寅嗣立年三十在位七年己酉隋滅之

改元二 至德四 禎明三

右陳五帝共三十三年首丁丑盡己酉

後魏太祖道武皇帝其先世為代北鮮卑君長姓拓跋氏名珪以丙戌即代王位郊天改元時晉孝武太元十一年十三

年戊戌取燕即帝位又十二年己酉為拓跋紹所弒壽三十九

改元四 登國十 皇始二 天興六 天賜四

太宗明元皇帝名嗣道武帝子以己酉嗣立在位十五年癸亥崩壽三十二

改元三 永興五 神瑞二 泰常七

世祖太武皇帝名燾明元帝長子以甲子嗣立在位二十九年壬辰為宗愛所弒壽四十五

改元六 始光四 神麤四 太延五 延和三 太平真君十一 正平二

高宗文成皇帝名濬太武帝嫡孫以壬辰嗣立在位十四年乙巳崩壽十六

改元三 興安三 興光五 和平六

顯祖獻文皇帝名弘文成帝長子以乙巳嗣立在位七

年辛亥禪位於太子宏又五年丙辰崩壽二十三

改元二 天安二 皇興五

高祖孝文皇帝名宏獻文帝太子以辛亥受禪在位二十九
十九年已卯崩壽三十三

改元三 延興四 承明三 太和二十二

世宗宣武皇帝名恪孝文第二子為皇太子以己卯嗣
立 在位十七年乙未崩壽三十三

改元四 景明四 正始四 永平四 延昌四

肅宗孝明皇帝名詡宣武帝第二子以乙未嗣立 在位
十四年戊申崩壽十九

改元五 熙平二 神龜二 正光五 孝昌二 武泰三

敬宗孝莊皇帝名子攸彭城王勰第二子封長樂王明
帝崩爾朱榮立之以戊申嗣立三年庚戌誅爾朱榮為
其黨所弑壽二十四

改元一 永安三

節閔帝名恭廣陵惠王羽之子少襲爵爾朱世隆既弑
敬宗迎立之以辛亥嗣立一年壬子高歡廢而弑之壽
二十四

改元一 普嘉

孝武皇帝名修唐平武穆王懷之子封平陽王高歡既

廢節閔奉渤海太守元朗爲帝後廢之而立帝以壬子
嗣立 在位三年至甲寅西奔長安崩壽二十五

改元一 永熙三

孝靜皇帝名善見清河王亶之世子孝武帝旣西入關
高歡奉帝立之爲東魏以甲寅嗣立時年十一在位十
七年庚午禪於齊未幾遇害壽二十八

改元四 天平四 元象元 興和四 武定八

文皇帝名寶炬孝文帝之孫京兆王愉之子封南陽王
孝武崩宇文泰立之以甲寅嗣立 在位十八年辛未崩
壽四十五

改元一 大統十八

廢帝名欽文帝長子以辛未嗣立 在位三年癸酉爲宇
文泰所廢尋弑之壽十六

不改元

恭皇帝名廓文帝第四子以甲戌嗣立 三年丙子禪於
周未幾周人殺之壽二十一

不改元

右魏十五帝共一百七十一年首丙戌盡丙子

北齊顯祖文宣皇帝渤海蓀人姓高氏名洋神武王歡
之次子以庚午受魏禪卽皇帝位 在位十年己卯崩壽

三十一

改元一 天保十

廢帝名殷文宣太子以己卯嗣立一年庚辰常山王演廢之而自立尋遇害壽十五

改元一 乾明

孝昭皇帝名演神武第六子以庚辰嗣立一年崩壽二十七

改元一 皇建

世祖武成皇帝名湛神武第九子辛巳嗣立五年乙酉禪位於太子稱太上皇又四年戊子崩壽三十二

改元二 太寧一 河清四

後主名緯武成帝長子以乙酉嗣立在位十三年丁酉為周所滅

改元二 天統五 武平八

右北齊五帝共二十八年首庚午盡丁酉

周閔帝姓宇文氏名覺代郡武川人文王泰之子以丙子受魏禪一年丁丑為晉公護廢而弑之壽十六

不改元

世宗明皇帝名毓文王子晉公護廢閔帝迎立之以丁丑嗣立四年庚辰崩壽二十七

改元二 武定二 武成二

高祖武皇帝名邕文王第四子庚辰嗣立在位十九年
戊戌崩壽三十六

改元四 保定五 天和六 建德六 宣政二

宣皇帝名贊武帝長子以戊戌嗣立己亥傳位太子稱
天元庚子崩壽二十二

改元一 大象

靜帝名衍宣帝長子庚子嗣立辛丑禪於隋遇害壽九
歲

不改元

右周五帝共二十六年首丙子盡辛丑

隋高祖文皇帝弘農華陰人姓楊氏名堅以辛丑受魏
禪在位二十四年甲子崩壽六十四

改元二 開皇二十 仁壽四

煬皇帝名廣高祖次子以甲子嗣立在位十三年戊寅
無道遇弒壽五十

改元一 大業

恭皇帝名侑煬帝孫元德太子之子唐公李淵入長安
立之以丁丑嗣位戊寅禪於唐封爲鄴國公武德二年
崩壽十五

改元一 義寧

右隋三帝共三十八年首辛丑盡戊寅

唐高祖神堯大聖大光孝皇帝隴西成紀人姓李氏名淵以丁丑自太原留守起兵入長安戊寅受隋禪即皇帝位時年五十三在位九年丙戌傳位於太宗稱太上皇又十年乙未崩壽七十二

改元一 武德九

太宗文武大聖大廣孝皇帝名世民高祖次子母竇皇后初封秦王太子建成誅立為皇太子以丙戌嗣立時年二十九在位二十三年己酉崩壽五十二

改元一 貞觀二十三

高宗天皇大聖大弘孝皇帝名治太宗第九子母長孫皇后初封晉王太子承乾廢立為皇太子以己酉嗣立時年二十二在位三十四年癸未崩壽五十六

改元十四 永徽六 顯慶五 龍朔三 麟德二

儀鳳三 乾封二 總章二 咸亨四 上元二 儀鳳三 弘道元 調露元 永隆元 開耀元 永淳元

中宗孝和大聖大昭孝皇帝名顯高宗第七子母武皇后為皇太子癸未嗣立甲申武后廢之後二十二年乙巳復辟在位五年庚戌為韋后所弑壽五十五

改元三 神龍二 景龍二 唐隆元

武后改元十二

光宅元

垂拱四

永昌元

天授

元 萬歲通天元

神功元

聖歷二

久視元

睿宗元真大聖大興孝皇帝名旦高宗第八子母武皇后封豫王武后既廢中宗立之臨朝至庚寅降立為皇嗣中宗復辟封相王韋后弒逆臨淄王隆基誅之迎立帝以庚戌即位三年壬子傳位於太子隆基後四年丙辰崩壽五十五

改元二

景雲二

太極元

元宗至道大聖大明孝皇帝名隆基睿宗第三子母竇皇后封臨淄郡王庚戌韋后弒逆以兵討誅之睿宗即

位立為皇太子以壬子嗣立時年二十七在位四十四年乙未禪位於太子後七年壬寅崩壽七十八

改元三

先天元

開元二十九

天寶十四

肅宗文明武德大聖大宣孝皇帝名亨元宗第三子母楊皇后為皇太子丙申嗣立時年四十五在位七年壬寅崩壽五十二

改元四

至德二

乾元二

上元二

寶應元

代宗睿文孝武皇帝名豫肅宗太子母吳皇后以壬寅嗣立時年三十六在位十八年己未崩壽五十四

改元三

廣德三

永泰二

大歷十二

德宗神武孝文皇帝各适代宗太子母沈皇后以己未
嗣立時年三十八在位二十六年甲申崩壽六十四

改元三 建中四 興元元 貞元二十一

順宗至德弘道大聖大安孝皇帝各誦德宗太子母王
皇后以甲申嗣立一年崩壽四十六

改元一 永貞

憲宗昭文章武大聖至神孝皇帝各純母王皇后順宗
太子以丙戌嗣立時年二十八在位十五年庚子崩壽
四十三

改元一 元和十四

穆宗睿聖文惠孝皇帝各恒憲宗第三子母郭皇后以
庚子嗣立時年二十六在位五年甲辰崩壽三十

改元一 長慶四

敬宗睿武昭愍孝皇帝各湛穆宗長子母王皇后以甲
辰嗣立時年十六在位三年丙午爲宦官蘇佐明等所
弑壽十八

改元一 寶歷三

文宗元聖昭獻孝皇帝各昂穆宗第二子母蕭皇后封
江王敬宗崩王守澄等迎立之以丙午嗣立時年十八
在位十四年庚申崩壽三十二

改元二 太和九 開成五

武宗至道昭肅孝皇帝名炎穆宗第五子母韋皇后封
穎王文宗崩仇士良等迎立之以庚申嗣立年二十七
在位六年丙寅崩壽三十三

改元一 會昌六

宣宗聖武獻文孝皇帝名忱憲宗第十三子母鄭皇后
封光王武宗崩中官迎立之以丙寅嗣立時年三十七
在位十三年己卯崩壽五十

改元一 大中十二

懿宗昭聖恭惠孝皇帝名漼宣宗太子母鼂皇后以己

卯嗣立在位十四年癸巳崩壽四十一

改元一 咸通十四

僖宗惠聖恭定孝皇帝名儼懿宗第五子母王皇后立
為皇太子以癸巳嗣立時年二十在位十六年戊申崩
壽三十六

改元五 乾符五 廣明元 中和四 光啟三 文
德元

昭宗聖穆景文孝皇帝名晁懿宗第七子母王皇后封
壽王以戊申嗣立十六年甲子為朱全忠所弑壽二十
八

改元七 龍紀元 大順二 景福二 乾寧四 光
化三 天復三 天祐元

乾隆十二年校刊

文獻通考卷一百一十五 帝系一

哀皇帝名祝昭宗第九子母何皇后封暉王昭宗遇弑
以甲子嗣立三年丁卯禪於梁明年遇害壽十七

改元 盡天祐四年

右唐二十帝共二百九十年首丁丑盡丁卯內武
氏二十二年

後梁太祖神武元聖孝皇帝單州礪山縣人姓朱氏名
晃初名溫賜名全忠以丁卯受唐禪卽皇帝位年五十
六在位六年壬申爲其子郢王友珪所弑年六十二

改元二 開平四 乾化二

末帝名瑱太祖第三子母張皇后封均王友珪弑逆討

誅之以癸酉嗣立在位十一年癸未唐兵入汴爲其下
所弑年三十六

改元三 乾化三 貞明六 龍德二

右後梁二帝共十七年首丁卯盡癸未

後唐莊宗光聖神閔孝皇帝其先沙陀人唐賜姓李氏
名存勗武帝之子以癸未卽皇帝位滅梁在位四年丙
戌兵亂中流矢崩壽四十二

改元一 同光四

明宗聖德和武欽孝皇帝代北金鳳城人姓李氏名亶
以丙戌嗣立在位八年癸巳崩壽六十七

改元二 天成四 長興四

愍帝名從厚明宗第三子封宋王癸巳嗣立甲午潞王兵入汴廢之而自立遇害壽二十一

改元一 應順二

廢帝名從珂本姓王氏明宗養爲子封潞王以甲午廢閔帝卽位三年丙申石敬瑭舉兵犯闕帝兵敗自焚死壽五十二

改元一 清泰三

右後唐四帝共十四年首癸未盡丙申

後晉高祖聖文章武明德孝皇帝太原汾陽里人姓石

氏名敬瑭丙申以北京留守舉兵入洛卽皇帝位在位七年壬寅崩壽五十二

改元一 天福七

出帝名重貴本高祖從子封齊王以壬寅嗣立在位四年丙午契丹入汴北遷卒於黃龍府壽三十四

改元二 天福二 開運三

右後晉二帝共十一年首丙申盡丙午

後漢高祖睿文聖武昭肅孝皇帝太原人姓劉氏名暠初名知遠契丹入中國以丁未卽皇帝位於晉陽繼遷於汴在位二年戊申崩壽五十四

改元一 乾祐二

隱帝名承祐高祖第二子封周王以戊申嗣立三年庚戌郭威擁兵犯闕遇弒壽二十

右後漢二帝共四年首丁未盡庚戌

後周太祖聖神恭肅文武孝皇帝邢州堯山人姓郭氏名威辛亥以鄴都留守入汴卽皇帝位三年癸丑崩壽五十一

改元一 廣順一

世宗睿武孝文皇帝本姓柴氏名榮太祖養子封晉王以甲寅嗣立在位六年己未崩

改元一 顯德六

恭帝名宗訓世宗子封梁王以己未嗣立庚申禪於宋後十四年癸酉崩壽二十一

右後周三世共九年首辛亥盡己未

宋太祖英武聖文神德皇帝其先涿郡人皇考始遷洛陽姓趙氏名匡允父周龍捷左廂都指揮使弘殷追謚宣祖母昭憲杜太后庚申以殿前都點檢受周禪卽皇帝位時年三十三在位十七年丙子崩壽五十

改元三 建隆二 乾德五 開寶九

太宗神功聖德文武皇帝名炅初名匡義母昭憲杜太

后以丙子嗣立時年三十七在位二十二年丁酉崩壽五十九

改元五

太平興國八 至道三

雍熙四

端拱二

淳化五

真宗文明章聖元孝皇帝名恒初名元侃太宗第三子母元德李太后立為皇太子以丁酉嗣立年二十九在位二十六年壬戌崩壽五十五

改元五

咸平六 乾興元

景德四

大中祥符九

天禧五

仁宗神文聖武明孝皇帝名正初名受益真宗太子母莊懿李太后以壬戌嗣立時年十二在位四十二年癸卯崩壽五十四

改元九

天聖九 定元

明道二 慶歷八

景祐四 皇祐五

寶元二 至和二

嘉祐

英宗獻文肅武宣孝皇帝名曙初名宗實濮安懿王允讓之子詔立為皇子以癸卯嗣立時年二十三在位五年丁未崩壽三十八

改元一

治平四

神宗英文烈武聖孝皇帝名頊英宗太子母宣仁高皇后以丁未嗣立時年十九在位十九年乙丑崩壽二十八

改元二

熙寧十

元豐八

哲宗欽文睿武昭孝皇帝名煦初名傭神宗太子母欽
聖朱太妃以乙丑嗣立時年十歲在位十五年庚辰崩
壽二十五

改元三 元祐八 紹聖四 元符三

徽宗聖文仁德顯孝皇帝名佶神宗第十一子母欽慈
陳太后初封端王哲宗崩以庚辰嗣立年十九歲在位
二十五年乙巳禪位於太子丁未金虜陷中原北遷後
九年乙卯崩於五國城壽五十三

改元六 建中靖國元 崇寧五 大觀四 政和七
重和元 宣和七

欽宗恭文順德仁孝皇帝名桓徽宗太子母顯恭王皇

后以乙巳受內禪卽位時年二十五二年金人陷中原
丁未北遷後三十四年庚辰崩壽六十一

改元一 靖康二

高宗聖神武文昭仁憲孝皇帝名構徽宗第九子母顯
仁韋太后初封康王金人陷中原二帝北狩以丁未嗣
立於南京時年二十一在位三十六年壬午內禪於太
子又二十五年丁未崩壽八十二

改元二 建炎四 紹興三十二

孝宗哲文神武明聖成孝皇帝名昀初名瑗太祖之裔
高宗以爲太子壬午受內禪卽位時年三十六在位二

十七年己酉內禪於太子又五年癸丑崩壽六十八

改元三 隆興二 乾道九 淳熙十六

光宗憲仁聖哲慈孝皇帝名惇孝宗第三子母成穆郭皇后立為太子己酉受內禪時年四十三在位五年甲寅內禪又六年戊午崩壽五十四

改元一 紹熙五

寧宗仁文哲武恭孝皇帝名擴光宗第二子母慈懿李皇后立為太子甲寅即位時年二十六在位三十一年甲申崩壽五十七

改元四 慶元六 嘉泰四 開禧三 嘉定十七

理宗烈文仁武安孝皇帝名昀初名貴誠沂靖惠王之子寧宗以為皇子甲申嗣立時年二十一在位四十一年甲子崩壽六十一

改元八 寶慶二 紹定六 端平二 嘉熙四 淳祐十二 寶祐六 開慶元 景定五

度宗端文明武景孝皇帝名叡福王之子理宗立為太子甲子嗣立時年二十五在位十一年甲戌崩壽三十五

改元一 咸淳十

文獻通考卷第二百五十

文獻通考卷第二百五十一

鄱陽馬端臨貴與著

帝系考二

太上皇太皇太后皇太后

母后臨朝稱制及推尊親父母見宗廟門此不錄私親父母附追尊私

虞舜踐帝位乃載天子旌旗往朝瞽瞍唯謹以子道

孟子咸邱蒙問曰語云盛德之士君不得而臣父不得而子舜南面而立堯帥諸侯北面而朝之瞽瞍亦北面而朝之舜見瞽瞍其容有蹙孔子曰於斯時也天下殆哉岌岌乎不識此語誠然乎哉孟子曰否此

非君子之言齊東野人之語也堯老而舜攝也堯典
曰二十有八載放勳乃徂落百姓如喪考妣三年四
海遏密八音孔子曰天無二日民無二王舜既為天
子矣又帥天下諸侯以為堯三年喪是二天子矣朱
集註咸邱蒙孟子弟子語古語也蹙顰蹙不自安也
岌岌不安貌言人倫乖亂天下將危也齊東齊國東
鄙也孟子言堯但老而不治事而舜攝天子之事堯
時舜未嘗即天子位堯何由北面而朝之乎又引書
及孔子之言以明之咸邱蒙曰舜之不臣堯則吾既得聞命矣
詩云普天之下莫非王土率土之濱莫非王臣而舜
既為天子矣敢問瞽瞍之非臣如何曰是詩也非是
之謂也勞於王事而不得養父母也曰此莫非王事

我獨賢勞也

不臣堯不以堯為臣使北面而朝也詩
小雅北山之篇普徧也率循也此詩今

毛氏序云役使不均已勞於王事而不得養其父母
焉其詩下文亦云大夫不均我從事獨賢乃作詩者
自言天下皆王臣何為獨使我以賢
才而勞苦乎非謂天子可臣其父也孝子之至莫大

乎尊親尊親之至莫大乎以天下養為天子父尊之

至也以天下養養之至也詩曰永言孝思孝思維則

此之謂也

言瞽瞍既為天子之父則當享天下之養
此舜之所以為尊親養親之至也豈有使

之北面而朝之理乎詩大雅下武之篇言人
能長言孝思而不忘則可以為天下法則也書曰祇

載見瞽瞍夔夔齊栗瞽瞍亦允若是為父不得而子

也

書大禹謨篇也祇敬也載事也夔夔齊栗敬謹恐
懼之貌允信也若順也言舜事瞽瞍往而見之敬
謹如此瞽瞍亦信而順之也孟子引此而言瞽瞍不
能以不善及其子而反見化於其子則是所謂父不

得而子者而非如
成邱蒙之說也

漢高祖六年尊太公爲太上皇

上歸櫟陽五日一朝太公太公家令說太公曰天無
二日土無二王皇帝雖子人主也太公雖父人臣也
奈何使人主拜人臣如此則威重不行後上朝太公
擁彗李奇曰爲恭也如今卒持帚也迎門卻行卻退師古曰彗所以掃也音似歲反而行
上大驚下扶太公太公曰帝人主奈何以我亂天下
法於是上心善家令言賜黃金五百斤夏五月丙午
詔曰人之至親莫親於父子故父有天下傳歸於子
子有天下尊歸於父此人道之極也前日天下大亂

兵革並起萬民苦殃朕親被堅執銳自帥士卒犯危
難平暴亂立諸侯偃兵息民天下大安此皆太公之
教訓也諸王通侯將軍羣卿大夫已尊朕爲皇帝而
太公未有號今尊太公曰太上皇師古曰太上極尊子之父故曰皇不預治國故不言帝也

後漢荀悅曰孝經云故雖天子必有尊也言有父
也王者父事三老以示天下所以明孝也無父猶
設三老之禮况其存者乎孝莫大於嚴父故子尊
不加於父母家令之言於是過矣

晉愍懷太子令問中庶子劉寶云太公家令說太

公爲是爲非對曰苟悅論賜家令爲非臣以爲悅
不識高帝意高帝雖貴爲天子事父不失子之禮
時卽位已六年而不加父號是以家令言雖父乃
人臣也言無可尊敬當與人臣同禮欲以此感動
之帝聞家令言乃悟卽立號太上皇得人子尊父
之道若不聞家令言父終無號矣家令說是也師古
亦以爲善其發悟已心因得
尊崇父號非善其令父敬已

漢因秦之稱號帝母稱皇太后祖母稱太皇太后

高祖崩惠帝卽位尊呂皇后爲皇太后太后首末並見
皇后門後同

惠帝崩太后取後宮子名爲孝惠子立之年幼太后臨

朝稱制

師古曰天子之言一曰制書二曰詔書制書者
謂爲制度之命也非皇后所得稱今呂太后臨

朝行天子事斷決
萬機故稱制詔

立兄子呂台產祿台子通四人爲王

封諸呂六人爲列侯四年少帝自知非皇后子出怨言

太后廢之立恒山王弘爲帝八年皇太后崩諸呂謀亂

大臣誅之

文帝立尊母薄姬爲皇太后

姬初爲
代太后

薄氏侯者一人後

文帝崩二歲孝景前二年崩葬南陵因呂后不合葬長

陵故特自起陵近文帝

景帝立尊母竇皇后爲皇太后竇氏侯者三人後景帝

六歲以武帝元光六年崩

武帝立尊母王皇后爲皇太后王氏田氏侯者凡三人
後景帝十五歲元朔三年崩合葬陽陵

昭帝崩霍光迎立昌邑王賀尊上官皇后爲皇太后旣
廢賀立宣帝尊太后爲太皇太后以建昭二年崩合葬
平陵

元帝立尊孝宣王皇后爲皇太后元帝崩成帝卽位爲
太皇太后王氏列侯二人關內侯一人時成帝母亦姓
王氏故世號太皇太后爲邛成太后永始元年崩合葬
杜陵稱東園師古曰雖同營兆而別爲墳王
后陵次宣帝陵東故曰東園也
成帝立尊母王皇后爲皇太后以平陽倂鳳爲大司馬

大將軍領尚書事又封太后同母弟崇爲侯鳳庶弟譚
爲關內侯後五年又封舅譚商立根逢時皆爲侯世謂
之五侯後又封兄子莽爲新都侯哀帝卽位尊爲太皇
太后哀帝崩無子太皇太后以莽爲大司馬立平帝太
后臨朝委政於莽羣臣希旨奏請莽爲安漢公宰衡平
帝崩莽徵宣帝元孫嬰爲帝居攝踐祚旣而卽真號太
后爲新室文母年八十四建國五年崩合葬渭陵

司徒掾班彪曰三代以來春秋所記王公國君與
其失世希不以女寵漢興后妃之家呂霍上官幾
危國者數矣及王莽之興由孝元后歷漢四世爲

天下母享國六十餘載羣弟世權更持國柄五將
十侯卒成新都位號已移於天下而元后拳拳猶
握一璽不欲以授莽婦人之仁慈夫

致堂胡氏曰外戚之禍在王氏然漢初功臣平勃
等預有鼻焉高祖崩唱言呂后與帝共定天下帝

王諸劉后王諸呂無不可者

共定之語本出酈寄
然當時必有此議論

於是大裂土疆以王諸呂侵弱劉氏罪一也孝惠
卽世聽張辟疆之說縱諸呂居中用事專權禁闔
共幹兵柄上以媚太后下以安己身由是諸呂不
可制罪二矣高后卽世雖能誅諸呂立孝文然自

茲以往母后習見前世用事例爲出闔之言觀大
臣議所言皆曰齊王高帝孫然母家駟鈞惡淮南
王母家又惡獨代王母家薄氏謹良遂立孝文則
平勃之徒畏母后深矣蓋漢母后預政不必臨朝
少主雖長君亦然竇太后好黃老惡儒士儒士多
不得進趙綰王臧欲助上興制度則發其姦利害
之竇嬰兄子也惡之則除門籍喜之則爲相梁孝
王愛之則誦言請立爲嗣不顧大宗之重王太后
於灌夫罵坐則不食論棄市韓嫣帝所貴也太后
欲殺之則帝不能救可謂司晨預事矣武帝欲立

昭則先殺鈞弋夫人馴致王氏篡奪其所從來者遠矣

先公曰今按胡氏之說足以盡西京外戚貽禍之本末矣嘗因是而極論之天地間有陽不能無陰陰而乘陽則宇宙分裂人極墮亡矣歐陽公謂宦官之禍甚於女子蓋為唐末一代言之耳以古今大勢論則女禍深矣少女子能蠱惑人主以亡國老女子能崇長外戚以亡國三代之亡國皆由此物矣周之東遷以褒姒周雖不亡於此已衰於此矣秦后始有宣太后穰侯之專莊襄悅美姬以易

其宗漢高帝起於閭閻呂氏初無功於王業也而

漢初諸人之論每以為呂氏雅故本推轂高帝就

天下田生語註謂翼戴以成帝業若車之行動推其轂又謂呂后與高帝

共定天下鄭寄語是以諸呂之心自謂與諸劉等憫

然有取而代之以之意而後動於惡中間霍氏擁昭

立宣陰妻邪謀特覺之早耳而終不免新莽之亂

焉曹魏之見篡於司馬氏也一再廢殺專以母后

為之主及晉武帝平吳之後耽惑女寵楊賈實召

五胡亂華之禍天下既為南北矣齊陳以女色亡

元魏以淫后亡隋文帝起外戚以篡周唐高祖主

外戚竊宮嬪以取隋太宗寵武才人開聚麀之醜
子孫殲焉祿山之起爲太真妃也唐雖未亡於此
而已衰於此矣河朔失而勁兵亡東南虛而蠻禍
起非權輿於天寶末乎朱梁以女寵開子禍而亡
後唐莊宗以劉后殺功臣勒軍賞而亡皆女子之
爲也

哀帝立尊趙后爲皇太后趙氏侯者二人哀帝爲太子
頗得趙太后力傅太后恩趙太后趙太后亦歸心故成
帝母及王氏皆怨之哀帝崩王莽白太后太后詔有司
曰前皇太后與昭儀俱封帷幄姊弟專妬殘滅繼祀以

危宗廟貶爲孝成皇后徙北宮後月餘復詔廢爲庶人
就其園自殺立十六年哀帝旣爲太子成帝母王太后

欲令傅太后

哀帝祖母丁姬

哀帝母十日一至太子家成帝曰

太子承正統共養陛下不得復顧私親王太后曰太子
小而傅太后抱養之今至太子家以乳母恩耳於是令
傅太后得至太子家丁姬以小養太子獨不得哀帝
卽位王太后詔令傅太后丁姬十日一至未央宮後下
詔尊定陶共王爲共皇尊傅太后爲共皇太后丁姬爲
共皇后各置左右詹事食邑如長信宮中宮後歲餘下
詔曰漢家之制推親親以顯尊尊定陶共皇之號不宜

復稱定陶其尊共皇太后爲帝太后丁姬爲帝太后復又更號帝太太后爲皇太太后稱永信宮帝太后稱中安宮而成帝母太皇太后本稱長信宮成帝趙后爲皇太后並四太后各置少府太僕秩皆二千石傅氏侯者六人傅太后旣尊後尤驕元壽元年崩合葬渭陵稱孝元傅皇后丁氏侯者二人太后建平二年崩起陵恭皇之園哀帝崩王莽秉政使有司舉奏丁傅罪惡皆免官爵徙故郡貶傅丁二太后號夷其陵

東漢明帝卽位尊陰皇后爲皇太后永平七年崩在位二十四年年六十合葬原陵

肅宗卽位尊馬皇后爲皇太后帝欲封爵諸舅太后不聽建初四年崩在位二十三年年四十餘合葬顯節陵和帝卽位尊竇皇后爲皇太后太后臨朝兄憲等並顯貴擅威權後密謀不軌發覺誅九年太后崩在位十八年臨朝四年未葬而帝母梁貴人姊嬖一計反上書陳貴人爲后所陷枉歿之狀太尉張酺等請依光武黜呂太后故事貶太后尊號不宜合葬先帝帝手詔曰竇氏雖不遵法度而太后常自減損朕奉事十年深惟大義禮臣子無貶尊主之文恩不忍離義不忍虧按前世上官太后亦無降黜其勿復議於是合葬敬陵

和帝崩長子平原王有疾而諸皇子夭歿前後十數後
生者輒隱祕養於人間殤帝生始百日竇皇后迎立之
尊后為皇太后太后臨朝殤帝崩太后定策立安帝猶
臨朝政以連遭大憂百姓苦役乃詔減除浮費錄冤獄
自太后臨朝水旱十載四夷外侵盜賊內起每聞人饑
或達旦不寐躬自減徹以救災厄故天下復平歲還豐
穰永寧二年崩在位二十年臨朝十七年年四十一合
葬順陵

范曄論曰鄧后稱制終身號令自出術謝前政之
良身闕明辟之義前政謂周公也辟君也尚書曰朕復子明辟言周公攝位復還

成王今太后不還故曰闕也至使嗣主側目斂衽於虛器器謂神器

喻帝位也直生懷懣懸書於象魏象魏闕也直生杜根等上書請太后還政

借之儀者殆其惑哉借猶假也殆近也言太后不還政於安帝近可惑也然

而建光之後王柄有歸太后建光之中崩遂乃名賢戮辱

便孽黨進帝寵用乳母王聖及其女伯榮出入宮掖通傳姦賂太尉楊震及鄧騭皆被中

官譖衰斃之來茲焉有徵斃敗也安帝臨政衰故敗逾甚故曰有徵也

知持權引謗所幸者非己焦心卹患自強者唯國

言執持朝權以招眾謗者所幸不為己身唯憂國也是以班母一說闔門辭

事太后兄大將軍騭以母憂上書乞身太愛姪微

愆髡剔謝罪太后兄騭子鳳受遺事泄騭遂將杜髡妻及鳳以謝天下語見騭傳

根逢誅未值其誠乎

誠信也言未為太后所信但蹊田之牛奪

之已甚

左傳申叔時曰牽牛以蹊人之田而奪之牛牽牛以蹊者信有罪矣而奪之牛罰已

重矣此喻杜根上書雖曰有罪太后殺之為過甚也

安帝閻皇后與兄顯及江京譖皇太子保廢為濟陰王

帝崩為皇太后欲久專國政貪立幼年與顯等定策禁

中迎濟北惠王子北鄉侯懿立為皇帝太后臨朝

蔡邕獨斷

曰少帝即位太后即代攝政臨前殿朝羣臣太后東面少帝西面羣臣奏事上書皆為兩通一詣后一詣少帝

少帝立二百餘日而薨京白太后徵濟北河間王子未

至而中黃門孫程等合謀殺江京等立濟陰王是為順

帝顯等皆伏誅遷太后於離宮家屬徙北境明年太后

崩在位十二年合葬恭陵

順帝崩梁皇后無子美人虞氏子炳立是為冲帝尊后

為皇太后太后臨朝冲帝尋崩復立質帝猶秉朝政時

寇盜羌蠻擾亂賦斂煩數官民困竭太后夙夜勤勞推

心拔賢委任太尉李固等拔忠良誅貪慝崇節儉寇夷

消弭海內肅然而兄大將軍冀鳩殺質帝專權暴忌數

以邪說疑誤太后遂立桓帝而誅李固天下失望和平

元年歸政尋崩在位十九年臨朝六年年四十五合葬

憲陵

桓帝既立追尊本生父蠡吾侯翼為孝崇皇帝梁太后

既崩乃追尊妾母區氏爲孝崇皇后遣司徒持節奉策授璽綬賚乘輿器服備法物宮曰永樂置太僕少府以下皆如長樂宮故事漢官儀曰帝祖母稱長信宮帝母稱長樂宮故有長信少府長樂少府及職吏皆宦官爲之又置虎賁羽林衛士起宮室分鉅鹿九縣爲后湯沐邑在位三年元嘉二年崩以帝弟平原王石爲喪主葬儀比皇后

桓帝崩無子竇皇后爲皇太后臨朝定策立解瀆侯宏是爲靈帝太后父大將軍武謀誅宦官而中常侍曹節等矯詔殺武遷太后於南宮雲臺家屬徙北境竇氏雖誅帝猶以太后有援立之恩朝於南宮親饋上壽供養

資奉有加於前熹平元年崩立七年合葬宣陵

靈帝既立追尊本生父解瀆侯世長爲孝仁皇帝夫人董氏爲孝仁皇后迎至京師居南宮嘉德殿宮稱永樂及竇太后崩始預政使帝賣官求貨帝崩何太后臨朝孝仁后欲參預政事太后輒禁塞之忿恚太后與兄何進謀奏蕃后故事不得留京師請遷本國收其兄子重免官重自殺孝仁后以憂崩在位二十二年

靈帝崩皇子辨卽位尊母何皇后爲皇太后臨朝后兄大將軍進欲誅宦官不克反爲所害董卓將兵入洛陽遂廢少帝而立協是爲獻帝遷太后於永安宮遇鳩而

崩在位一年

范曄論曰自古雖主幼時艱王家多釁必委成家

宰簡求忠良未有專任婦人斷割重器唯秦芊太

后始攝政事故穰侯權重於昭王家富於嬴國太后

昭王母也號宣太后史記曰昭王立年少宣太后

自知事以同母弟魏冉為將軍任政封為穰侯太

后攝政始漢仍其謬知患莫改東京皇統屢絕權

於此也歸女主外立者四帝安質臨朝者六后章帝竇太

太后安思閻太后順烈梁太后莫不定策帷帟委

事父兄貪孩童以久其政抑明賢以專其威周禮

掌帷帟幄幕之事鄭元註曰幄帟中坐上承塵也

殤帝崩鄧太后與兄騭等定立安帝年十三冲帝

崩梁太后與兄冀迎立質帝年八歲質帝崩太后

與兄冀迎立桓帝年十五桓帝崩竇太后與父武

迎立靈帝年十二任重道悠利深禍速身犯霧露於雲臺

之上霧露謂疾病也不可指言死故假霧露以言

謝彌上封事曰伏惟皇太后援立明聖幽居空

宮如有霧露之疾陛下當何面目以見天下家

嬰縲繼於囹圄之下縲索也囹圄周獄名

謂外戚等湮滅連踵傾軛繼路踵跡也軛車轅也

戒而赴蹈不息焦爛為期終陵夷大運淪亡神寶

陵夷猶頽替詩書所歎略同一揆故考列行跡以

為皇后本紀

魏文帝受禪尊卞后曰皇太后稱永壽宮明帝即位尊

乾隆十二年校刊

帝系二

七

太后曰太皇太后太和四年崩合葬高陵
黃初元年詔曰婦人與政亂之本也自今以後羣臣
不得奏事太后后族之家不得當輔政之任又不得
橫受茅土之爵以此詔傳之後世若有違背天下共
誅之

明帝立尊郭皇后爲皇太后稱永安宮青龍三年帝數
問甄后死狀於太后由是太后以憂崩
齊王卽位尊郭皇后爲皇太后稱永寧宮其後值三主
幼弱宰輔統政與奪大事皆先咨啓於太后而後施行
毋邱儉鍾會等作亂咸假其命以爲辭焉景元四年崩

葬高平陵西

景元元年十一月燕王表賀冬稱臣

帝卽燕王宇之子
宇稱臣故以爲疑

詔曰古之先王者或有不臣今王宜依此表不稱臣乎
又當爲報答夫係大宗者降其私親况所係者重邪若
便同之臣妾朕所未安其皆依禮典據當務盡其義有
司議奏以爲禮莫崇於尊祖制莫重於王典陛下紹大
宗之重崇三祖之業伏惟燕王禮尊屬戚正位蕃服躬
秉虔肅以先萬國其於王典闡濟大順誠宜割以非常
之制奉以不臣之禮臣等立議以爲燕王章表可聽如
舊式中詔所施宜曰皇帝敬問大王侍御議又云至於

制書國之舊典朝廷所以辨章於天下者也宜循法故曰制詔燕王議又曰凡詔命制書奏事上書文書有應稱燕王者皆云上字其非宗廟助祭之事不得稱王名奏事上事及吏人皆不得觸王諱以彰殊禮加於羣后云上遵王典尊祖之制俯順聖旨敬承之心

晉何琦議曰父母之尊擬則天地君親之道資敬是同今承受命運君臨率土而父以子尸天祿不敢子天子以明王者之尊而子雖以爲天子必有尊也推斯以言父必臣天位之君而子自必尊天性之父

晉惠帝卽位尊楊皇后爲皇太后后父駿受遺詔輔政元康元年賈后不肯以婦道事太后又欲干預政事而爲太傅駿所抑乃啓帝作詔誣駿謀反誅之夷其族賈后矯詔使後軍將軍荀悝送太后於永寧宮特全太后母高都君龐氏之命聽就太后居尋復諷羣公有司奏曰皇太后陰潛姦謀圖危社稷飛箭繫書要募壯士同惡相濟自絕於天魯侯絕文姜春秋所許蓋奉祖宗任至公於天下陛下雖懷無已之情臣下不敢奉詔詔曰此大事更詳之有司又奏宜廢皇太后爲峻陽庶人中書監張華議皇太后非得罪於先帝今黨其所親爲不

母於聖世宜依漢廢趙太后爲孝成后故事貶皇太后之號還稱武皇后居異宮以全始終之恩左僕射荀愷與太子少師下邳王晃等議曰皇太后謀危社稷不可復配先帝宜貶尊號廢詣金墉城於是有司奏請從晃等議廢太后爲庶人詔可又奏楊駿造亂家屬應誅詔原其妻龐命以慰太后心今太皇后廢爲庶人宜以龐付廷尉行刑詔不許有司復請乃從之龐臨刑太后抱持號叫截髮稽顙上表詣賈后稱妾請全母命不見省董養遊太學升堂嘆曰朝廷建斯堂將以何爲乎每覽國家赦書謀反大逆皆赦至於殺祖父母父母不赦者

以爲王法所不容故也柰何公卿處議文飾禮典乃至此乎天人之理旣滅大亂將作矣二年太后以絕膳而崩年三十四在位十五年永嘉初追復尊號

致堂胡氏曰按羣公有司所奏張華所議徑以太后圖危社稷不母於聖世方是時討楊駿者兩親王將殿中兵而出駿旣無逆謀至是又未嘗有一戈指闕坐受攻討蹙迫而死太后以父之故射帛於外以祈免耳不知何名爲圖危社稷不母於聖世乎及有司再請廢后爲庶人詔旨畫可華不復切諫依阿緘默陰附虐后而庸奴其君不待式乾

之事已當誅殛不得赦矣

先公曰賈后殺故楊太后饑而死之也武帝身創大業且智力足以得天下而無以保妻子何也司馬氏三世以來強人之母以廢人之子奪人之國宜有斯報矣彼且以虛罪誣高貴鄉公而實受報於武悼后且皆是賈氏發之駕虛罪於高貴鄉公者克也效實報於楊太后者南風也天道昭昭亦巧於示報矣

東晉成帝卽位尊庾皇后爲皇太后羣臣奏天子幼冲宜依漢和熹皇后故事辟讓數四不得已臨朝稱萬機

后兄中書令亮管詔命公卿奏事稱皇太后陛下及蘇峻作逆京師傾覆后見逼辱遂以憂崩年三十二在位六年

哀帝卽位詔有司議生母章貴人位號乃尊爲皇太妃儀服與太后同又詔朝臣不爲太妃敬合典禮下太常江道議位號不極不應盡敬興寧元年薨帝欲服重服江影啓應總麻三月詔欲降爲期年影又啓厭屈私情所以上嚴祖考帝從之

穆帝卽位尊褚皇后爲皇太后以帝幼冲臨朝稱制太常殷融議從鄭元議后父衛將軍裒在宮庭則盡臣敬

太后歸寧之日自如家人之禮太后詔曰典禮誠所未
詳如數奏是情所不能安也更詳之征西將軍翼等議
謂父尊盡於一家君敬重於天下鄭元議合情理之中
太后從之自是朝臣皆敬哀焉帝加元服乃居崇德宮
哀帝海西公之世太后復臨朝稱制簡文帝卽位尊后
爲崇德太后帝崩孝武幼冲羣臣復請臨朝孝武冠復
稱崇德太后太元九年崩於顯陽殿年六十一在位四
十年太后於帝爲從嫂朝議疑其服太學博士徐澡議
曰資父事君而敬同又曰其夫屬父道者妻皆母道也
則夫屬君道妻亦后道矣服后以齊母之義也魯譏逆

祀以明尊卑今上躬奉康穆哀皇及靖后之祀致敬同
於所天豈可敬之以君道而服廢於本親謂應齊縗期
從之

孝武皇帝卽位尊生母李氏爲淑妃太元三年進爲貴
人九年又進爲夫人十二年加爲皇太妃儀服一同太
后十九年尊爲皇太后稱崇訓宮安帝卽位尊爲太皇
太后隆安四年崩葬修平陵神主祔於宣太后廟
宣太后簡
文帝母也

徐邈與范甯公書訪其事甯答謂子不得爵命母妃
是太子婦號必也正名可以稱母也邈重與甯書曰

禮天子之妃曰后關雎稱后妃之德妃后之名可謂大同所以憲章皇極禮崇物備者在於此也故太后之號定於前朝而當今所率由也若必欲服章同於后而名號異於妃則可因夫人之稱而加皇太以明尊雖曰一理然於文物之章猶未盡崇高之極此又今之所疑不可得而行也足下嫌太子妻稱妃然古無此稱出於後代今有皇太之別可例論邪

宋武帝受禪尊後母蕭氏爲皇太后帝事太后孝謹卽位時春秋已高每旦朝太后未嘗失時刻少帝卽位尊爲太皇太后景平元年崩年八十一

宋武帝將崩手詔曰後世若有幼主朝事一委宰相母后不煩臨朝

孝武卽位尊母淑媛爲皇太后宮曰崇憲廢帝立爲太皇太后明帝立號崇憲太后乃居中宮崩

廢帝卽位尊孝武王皇后爲太后宮曰永訓其年崩後廢帝卽位尊明帝王皇后爲皇太后宮曰弘訓順帝禪位遷居丹陽宮拜汝陰王太妃順帝殂更立第都下薨於第

後廢帝母陳氏旣卽位尊爲皇太妃輿服一如晉孝武李太妃故事宮曰弘化置家令一人改諸國太妃曰太

姬昇明初降爲蒼梧王太妃

陳文帝卽位尊武帝章皇后爲皇太后宮曰慈訓廢帝卽位后爲太皇太后光大二年后下令黜廢帝爲臨海王命宣帝嗣立太建元年復爲皇太后崩年六十五

後主卽位尊宣帝柳皇后爲皇太后宮曰弘範陳亡入長安隋大業十二年薨於東都年八十三

後魏太武卽位尊明元杜皇后爲皇太后封后弟爲遼東王真君元年崩詔天下大臨三日別立后寢廟於陵所

獻文卽位尊文成馮皇后爲太后帝年十二居諒闇丞

相乙渾謀逆后密定策誅之遂臨朝聽政內行不正寵

李弈等獻文誅弈遂害獻文孝文時尊曰太皇太后復

臨聽政孝文雅性孝謹事無巨細一稟於太后后多智

猜忍能行大事十四年崩年四十九孝文行三年喪

魏獻文帝好黃老浮屠之學雅薄富貴常有遺世之心

欲禪位於京兆王子推羣臣固諫任城王雲曰陛下方

隆太平臨覆四海豈得上違宗廟下棄兆民且父子相

傳其來久矣陛下必欲委棄塵務則皇太子宜承正統

中書令高允曰願陛下上思宗廟託付之重追念周公

抱成王之事帝曰然則立太子羣公輔之有何不可乃

傳位於太子下詔曰朕希心元古志存澹泊爰命儲宮
踐升大位朕得優游恭已栖心浩然羣臣奏曰昔漢高
祖稱皇帝尊其父曰太上皇明不統天下也今皇帝幼
冲萬機大政猶宜陛下總之謹上尊號曰太上皇帝從
之上皇徙居崇光宮采椽不斲土堦而已國之大事咸
以聞崇光宮在北苑中又建鹿野浮屠於苑中之西山
與禪僧居之五年崩

明帝卽位尊宣武高皇后爲皇太后尋爲尼居瑤光寺
非大節慶不入宮中時天文有變靈太后欲以后當之
遂暴崩天下寃之喪還瑤光佛寺殯皆以尼禮

明帝尊母胡光華爲皇太妃後尊爲皇太后臨朝聽政
猶曰殿下後改令稱詔羣臣上書曰陛下自稱曰朕以
明帝冲幼未堪親祭欲依周禮夫人與君交獻之義代
行祭禮禮官博議以爲不可而太后欲以幃幔自障觀
三公行事重問侍中崔光光便據漢和熹鄧后薦祭故
事太后大悅遂攝行初祀臨朝淫恣五年爲元義所幽
又六年誅义復臨朝自是朝政疎緩恩威不立又三年
鳩孝明立孝文曾孫釗爾朱榮興兵向闕沉后於河
齊文宣受禪尊母婁妃爲皇太后宮曰宣訓濟南卽位
尊爲太皇太后密與孝昭諸將誅楊愔等廢濟南立孝

昭後爲皇太后孝昭崩又下詔立武成帝大寧二年崩
年六十二

武成卽位四年傳位於太子緯白稱太上皇又四年崩
後主卽位武成旣崩尊武成胡后爲皇太后后內行不
謹幸和士開及沙門曇獻等齊亡入周又恣行姦穢開
皇中殂

周武帝卽位尊母叱奴氏爲皇太后建德二年崩

宣帝卽位尊武帝后阿史那氏爲皇太后大象元年改
爲天元皇太后二年又尊爲天元上皇太后宣帝崩靜
帝尊爲太后隋開皇二年殂年三十二 又尊母李氏

爲帝太后大象元年改爲天元帝太后又尊爲太皇太
后二年又尊爲天元聖皇太后靜帝立尊爲大帝太后
隋開皇初出俗爲尼八年殂以尼禮葬

宣帝旣立一年傳位於太子闡自稱天元皇帝所居稱
天臺冕二十四旒車旂鼓皆倍於前王之數每對臣下
自稱爲天用罇彝珪瓚以飲食令羣臣朝天臺者齊三
日清身一日自比上帝立五皇后二年而崩

天元崩靜帝時楊堅秉政尊天元楊后爲皇太后居弘
聖宮堅旣受禪后憤惋愈甚堅內甚愧之開皇中封爲
樂平公主大業五年殂

靜帝母朱氏天元崩後尊爲帝太后隋初出俗爲尼

文獻通考卷第二百五十一

文獻通考卷第二百五十一

鄱 陽 馬 端 臨 貴 與 著

帝系考三

太上皇太皇太后皇太后

唐高祖武德九年詔禪位於皇太子稱太上皇上皇以
弘義宮有山林勝景雅好之貞觀三年四月乃徙居之
改爲大安宮上屢請上皇避暑九成宮上皇以隋文帝
終於彼惡之乃營大明宮以爲上皇清暑之所未成而
上皇寢疾不果居九年崩

高宗崩太子卽位詔軍國大事聽天后處分元年天后

乾隆十二年校刊

文獻通考卷第二百五十一 帝系三

廢帝遷之房陵立睿宗幽於別宮五年自稱聖母神皇
殺唐宗室諸王又二年自稱大周聖神皇帝以睿宗爲
皇嗣賜姓武氏追諡祖考爲帝立武后七廟封武三思
等爲王又十四年張柬之等奉中宗誅張易之張昌宗
帝復位其年后崩

韋氏鳩弒中宗立殤帝爲皇太后臨朝總庶政臨淄王
隆基舉兵誅之追廢爲庶人

睿宗在位二年制傳位於太子太子上表固辭太平公
主勸上雖傳位猶宜總大政上乃謂太子曰汝以爲天
下事重欲朕兼理之邪昔舜禪禹猶親巡狩朕雖傳位

豈忘國家其軍國大事當兼省之八月庚子元宗卽位
尊睿宗爲太上皇上皇自稱曰朕命曰誥五日一受朝
於太極殿皇帝自稱曰予命曰制勅曰受朝於武德殿
三品以上除授及大刑政決於上皇餘皆決於皇帝明
年七月上誅太平公主及其黨上皇誥自今軍國政刑
一皆取皇帝處分朕方無爲養志以遂素心是月徙居
百福殿開元四年上皇崩

致堂胡氏曰睿宗每自謂素懷淡泊不樂世務然
則盍不於傳位之時盡釋萬機則太平亦無所恃
而謀亂乃有眷眷之情尚知大政昧於亢龍有悔

之義是以不智處身而以不孝處其子也豈非後王之戒哉

又曰元宗舉兵誅討韋氏雪君憤辱厥功雖大而意在自取不得已而歸之於父尋又怵惑邪說殺父同氣至使睿宗盡釋大權而問安侍膳以天下養之事一無聞焉其友愛隆厚獨施之五王同寢共宴遊戲賞樂更奏絲竹親煮藥餌何其至也豈非以手足天性均出於父乎施諸手足者如此於父宜如何而孝養無聞五月而葬不太薄乎古之人所以大過人者無他善推其所爲而已元宗能

其小而不能其大力於次者而忽於至者不推其所爲無乃初心有利欲之蔽乎無乃感宋王之讓已而薄其父乎雖享國日久而天理好還終不可追是故正其義不謀其利者爲子則孝爲臣則忠自天子至於庶人其揆一也

肅宗至德元年卽位於靈武尊元宗曰上皇天帝靈武使者至蜀上皇喜曰吾兒應天順人吾復何憂制自今改制勅爲誥表疏稱太上皇四海軍國事皆先取皇帝進止仍奏朕知俟克復上京朕不復預事命韋見素房瑄崔渙奉傳國寶玉冊詣靈武傳位二年克復兩京使

韋見素入蜀奉迎上皇上皇至鳳翔從兵六百餘人上皇命悉以甲兵輸郡庫上發精騎三千奉迎十二月丙午上皇至咸陽上備法駕迎於望賢宮上皇在宮南樓上釋黃袍著紫袍望樓下馬趨進拜舞於樓下上皇降樓撫上而泣上捧上皇足嗚咽不自勝上皇索黃袍自爲上著之上伏地頓首固辭上皇曰天數人心皆歸於汝使朕得保養餘齒汝之孝也上不得已受之父老在仗外歡呼且拜上令開仗縱千餘人入謁上皇曰臣等今日復覩二聖相見死無恨矣上皇不肯居正殿曰此天子之位也上固請自扶上皇登殿尚食進食上品嘗

而薦之丁未將發行宮上親爲上皇習馬而進之上皇上馬上親執鞚行數步上皇止之上乘馬前引不敢當馳道上皇謂左右曰吾爲天子五十年未爲貴今爲天子父乃貴耳左右皆呼萬歲上皇自開遠門入大明宮御含元殿慰撫百官乃詣長樂殿九廟主慟哭久之卽日幸興慶宮遂居之上累表請避位還東宮上皇不許時李輔國暴費用事上皇左右皆輕之輔國意恨言於上曰上皇居興慶宮與外交通陳元禮高力士謀不利於陛下當爲社稷計豈得徇匹夫之孝若迎居大內以杜絕小人上不應上元元年上寢疾輔國矯詔將五百

騎露刃迎上皇遷居甘露殿上皇驚幾墜所留侍衛纔
庭老數十人流力士等於遠方輔國等詣上請罪上曰
卿防微杜漸以安社稷何懼也自是上皇日以不懌辟
穀成疾上初猶往問安既而但遣人起居寶應元年上
皇崩

致堂胡氏曰靈武卽位之事元宗既有傳位之命

則太子非叛也

范氏唐鑑謂肅宗以皇太子討賊遂自稱帝此乃太子叛父何以討

也 祿山 其失在元宗命不亟行而裴冕諸人急於榮

貴是以致此咎也唐高祖睿元之爲上皇非所欲
也勢可以釋位而不釋遂至逼迫不見幾故也而

太宗明肅不能少待或稱兵或借便皆有奪位之
惡欲速見小利故也父不父子不予昧於春秋首
惡誅之戒甚矣豈非後世之大鑒歟

又曰內寵嬖豎合而爲一人主不悟又委信之其
終不至於篡弑逆亂者古無有也肅宗之事亦可
以爲監矣夫祖考所爲賢且德也子孫希之鮮能
及者非賢非德也子孫效之鮮不過焉兩漢而下
繼世之君往往樞前卽位孰有爲天子子親承大
寶得問安侍膳舉四海之養以全其孝盡其樂如
唐數君可謂千載一時不可逢之嘉會矣而太宗

明皇肅宗之孝道無稱焉豈非自太宗失之歟高祖睿元晚節末路不免兵甲震驚之禍而元宗尤酷嗚呼悲夫輔國之言曰陛下當爲社稷大計豈得徇匹夫之孝夫孝以奉父母爲先然後上及於祖宗今父在也乃困其身休其心而社稷是安此中人以下所能辨者肅宗不察蓋自馬嵬西行輔國已有是言今又云爾是知肅宗爲人可誘以利故也當是白刃脇遷盡去左右之人而居西內上皇辟穀成疾以致殂殞其異於趙武靈王沙邱之禍幾希矣夫以討賊之故奪父之位其終至於如

此使安慶緒史朝義而有知豈不含笑於九泉元結頌唐中興曰盛德曰大業是過譽其始而未知其終也

順宗永貞元年德宗崩卽位疾不能視事傳位太子純稱太上皇憲宗元和元年太上皇崩

憲宗立尊順宗王皇后爲皇太后十年崩年五十四

穆宗立尊憲宗郭后爲皇太后敬宗立尊爲太皇太后

宣宗立母鄭故侍兒有曩怨帝奉養后禮稍薄后鬱鬱

不聊太中二年暴崩

宣宗立尊母鄭妃爲皇太后懿宗尊爲太皇太后咸通

六年崩

敬宗立尊穆宗王后為皇太后文宗時稱寶歷太后太和五年宰相建白以太皇太后與寶歷太后稱號未辨前代詔令不敢斥言皆以宮為稱今寶歷太后居義安殿宜曰義安太后詔可會昌五年崩

文宗立尊母蕭氏為皇太后太和中懿安太后居興慶

宮憲宗后文寶歷太后居義安殿穆宗妃后居內殿穆宗

妃文號三宮太后帝每五日問安及歲時慶謁率由複

道至南內羣臣及命婦詣宮門候起居有司獻四時新物送三宮亦稱賜帝日上三宮何可言賜遽索筆改賜

為奉

按唐自肅宗張后之後未嘗有正位長秋者史所載皇后皆追贈其太后則皆所生子為帝而奉上尊號者也憲宗以郭汾陽孫女為妃既為令族又有淑德可以正位矣乃以其宗強恐既立之後後宮不得進遂終身為妃自後人主皆不立后然文宗崩既有太子仇士良等廢之而立武宗武宗崩既有皇子諸宦官廢之而立宣宗宣宗崩遺命立夔王王宗實等廢之而立懿宗雖當時中人專橫今古所無然亦因椒房虛位宮闈無主所謂皇子

者皆無寵無威之人故上躬彌留之際宰輔既隔
在外庭中人遂得以肆行無忌顯違詔旨私立所
厚而莫由禁止也

昭宗爲朱全忠所弑哀帝卽位尊何后爲皇太后徙居
積善宮號積善太后帝旣禪位后亦遇害

後唐莊宗旣卽位冊尊母曹氏爲皇太后而以嫡母劉
氏爲皇太妃往謝太后太后有慚色太妃曰願吾兒享
國無窮使吾獲沒於地以從先君幸矣復何言哉帝旣
滅梁使人迎太后歸洛居長壽宮而太妃獨留晉陽同
光三年五月太妃薨七月太后薨諡曰貞簡葬坤陵而

太妃無諡葬魏縣太妃與太后甚相愛其送太后於洛
也涕泣而別太妃旣卒太后悲哀不飲食月餘亦崩

愍帝卽位冊尊明宗后曹氏爲皇太后淑妃王氏爲皇
太妃而敬唐兵犯京師廢帝與太后俱自燔死晉高祖
立遷太妃於至德宮高祖后事妃如母乃封其所養子
許王從益爲郇國公以奉唐祀契丹犯京師召從益與
妃德光北歸留蕭翰守汴州漢高祖起太原翰欲北去
乃使人召從益迫以來令權知南朝事漢高祖擁兵而
南妃及從益遣人迎之旣而俱遇害

晉出帝卽位尊高祖后李氏爲皇太后契丹入汴北遷

歿於虜地建州 安太妃出帝母卽位冊爲太妃北遷
歿於虜地

漢愍帝卽位尊高祖后李氏爲皇太后周太祖入京師
舉事皆稱太后誥已而議立湘陰公贇爲天子未至請
太后臨朝已入太祖出征軍士擁之以還太祖請事太
后如母於是遷於太平宮上尊號曰昭聖皇太后顯德
元年春崩

周太祖皇后柴氏無子養后兄守禮之子以爲子是爲
世宗守禮字克讓以后族拜銀青光祿大夫檢校吏部
尚書兼御史大夫世宗卽位加金紫光祿大夫檢校司

空光祿卿致仕居於洛陽終世宗之世未嘗至京師而
左右亦莫敢言第以元舅禮之守禮頗恣橫嘗殺人於
市有司以聞世宗不問時王溥王宴王彥超韓令仲等
同時將相皆有父在洛陽與守禮朝夕往來惟意所爲
洛陽人多畏避之號十阿父守禮卒年七十二官至太
傅

歐陽公史論曰父子之恩至矣孟子言舜爲天子
瞽瞍殺人則棄天下竊負之而逃以謂天下可無
舜不可無至公舜可棄天下不可刑其父此爲世
立言之說也然事固有不得如其意者多矣蓋天

子有宗廟社稷之重百官之衛朝廷之嚴其不幸有不得竊而逃則如之何而可予讀周史見守禮殺人世宗寢而不問蓋天下重矣而子於其父亦至矣故寧受屈法之過以申父子之道其所以合於義者蓋知權也君子之於事擇其輕重而處之耳失刑輕不孝重也刑者所以禁人爲非孝者所以教人爲善其意一也孰爲重刑一人未必能使下無殺人而殺其父滅天性而絕人道孰爲重權其所謂輕重者則天下雖不能棄而父亦不可刑也然則爲舜與世宗者宜如何無使瞽瞍守禮至

於殺人則可謂孝矣

周恭帝卽位尊世宗皇后符氏爲皇太后宋太祖旣受禪遷居西宮號周太后太平興國初入道爲尼淳化四年殂

宋昭憲皇太后杜氏定州安喜人太祖之母帝受禪尊爲皇太后建隆二年六月崩

真宗卽位尊太宗明德李后爲皇太后居西宮嘉慶殿景德元年崩

仁宗卽位尊真宗莊獻明肅皇后爲皇太后軍國大事權取處分宰相丁謂等請太后所御殿太后曰皇帝視

事當朝夕在側何須別御一殿於是謂太后與帝五日
一御承明殿帝位在太后位右垂簾決事議已定太后
忽出手書第欲禁中閱章疏遇大事卽召對輔臣其謀
出於丁謂非太后意也謂旣貶馮拯等三上奏請如初
議始御承明殿有司請制令稱吾以生日爲長寧節出
入御大安輦鳴鞭侍衛如乘輿天下皆避太后父諱羣
臣上尊號曰應元崇德仁壽慈聖太后元日帝率百官
上壽謁太廟乘王輅服袞衣明道二年崩

天聖二年七月宰臣王欽若等拜表請上皇太后尊
號曰應元崇德仁壽慈聖皇太后命宰臣王曾撰冊

文參知政事魯宗道書冊寶十一月郊祀禮畢帝御

大安殿受冊百僚稱賀畢甫序班侍中奏外辦禮儀

使奏請發皇太后尊號冊寶皇帝服承天冠絳紗袍

以出殿中監進珪禮儀使與閣門使前導皇帝隨冊

寶降西階內臣主當職掌捧正殿庭置於東向褥位

禮儀使奏請皇帝再拜在位官皆再拜

應行事公卿
執事者不拜

再拜訖太尉司徒就受冊寶位皇帝搢圭跪捧冊授

太尉太尉搢笏東向側身跪受其冊文曰嗣皇帝位

仁宗謹再拜稽首言恭以爲天下之母者愛育之功

博居域中之大者覆載之道均乃有節盛禮以推崇

因強名而不顯以恩則尊親偕極以義則中外一辭
表德垂鴻非可以缺况乎寧保基緒無覽權網格萬
守之治平副輿情之輸戴式隆稱號以播休鑠伏惟
皇太后陛下聰明淑哲淵穆懿恭襲御龍之遐源啓
曾沙之瑞命輔佐先聖輯睦藩房申翊宮朝協敷闡
教服圖史之至戒慕黃老之微言及正宮承天居尊
治內勤儉之化式於中闡和平之風被于四表王基
允固睿問載融曩者號弓在辰仍几有命粵以大寶
付於菲躬煢煢哀荒懼罔攸濟實賴慈蔭以授洪圖
上奉顧託之明俯慰遐邇之望詳錄機務咨謀政經

憲祖宗之舊章厲官師之凝績本乎子物之惠濟乃
守成之業方今蠻夷欵服封宇靖安百度聿修六氣
時若肇禋肆類克展上儀享是休嘉率由保翼故得
公卿庶尹藩嶽守臣武旅戎酋緇黃耄艾咸謂周有
思齊之什播於聲歌漢有長樂之謠垂於竹帛斟酌
前訓擬議盛猷允非鴻名莫揚茂烈綿代曠典自我
而著猶且推美而弗有約己以至謙連袂叩闈露章
五請臣等以因人之欲拜跪於內甫迴冲慮乃徇公
言夫含章履順之謂應元詔訓逮下之謂崇德體仁
所以膺壽臧之福宣慈所以隆聖善之懿不勝大願

謹與百僚士庶奉玉冊琮寶上尊號曰應元崇德仁壽慈聖皇太后伏惟懋協歡心誕膺洪冊承七廟之流詳受九旻之敷錫擁佑家邦祉祚無極臣仁宗御名誠懽誠抃稽首頓首謹言又捧寶授司徒如授冊儀皇帝歸御幄改常服乘輿赴文德殿後幄百官班退並赴朝堂幕次太尉司徒奉冊寶至文德殿門外下奉安文武羣官宗室客使並集於文德殿中書門下翰林學士兩省御史臺並立於階下香案前殿侍中奏中嚴外辦皇太后服儀天冠袞衣以出奏隆安之樂行障步障方團扇侍衛垂簾卽御座南向樂止太常

卿前導冊案前至殿西階下太常卿以下各歸位典儀曰再拜在位者皆再拜分班東西序立吏部侍郎押冊案禮部侍郎押冊弁進至褥位當御座前訖太尉跪奉冊案稍前中書令讀冊訖奉冊丞北向進至於御座前訖中書令舉冊官俱降還位大尉降階納舄帶劔訖侍中押寶案司徒捧寶侍中讀寶並如讀冊之儀畢置於御座前冊之南訖司徒太尉詣香案前分班東西序立尚宮詣皇帝御座前奏請皇帝詣皇太后御座前行稱賀之禮皇帝服鞞袍簾內詣皇太后御座前奏請再拜訖跪賀曰嗣皇帝臣仁宗名言

皇太后陛下顯崇徽號昭渙寰瀛伏惟與天同壽率
土不勝欣抃伏興又再拜尚宮詣御座承旨答曰
皇帝孝思至誠貫於天地受茲徽號感慰良深宣答
訖皇帝再拜歸御座幄太尉率文武百僚詣皇太后
御座前稱賀侍中承旨宣答訖在位官俱再拜禮畢
奏隆安之樂皇太后降座還幄次樂止侍中奏解嚴
所司放仗文武百僚並再拜訖退皇帝皇太后還內
應外命婦稱賀皇太后皇帝於內殿在外命婦及兩
京留司官並奉表稱賀

石林葉氏曰母后加諡自東漢始本朝后諡初止
二字明道中以章獻明肅嘗臨朝特加四字元豐
中慶壽太皇太后上仙章子厚爲諡議請於朝詔
以太皇太后功德盛大四字猶懼未盡始仍故事
遂諡慈聖光獻自是宣仁聖烈與欽聖憲肅皆四
字云

章獻太后崩遺詔以皇太妃楊氏爲皇太后居宮中參
斷軍國事御史中丞蔡齊白執政以爲不可乃詔勿頒
預政遺誥第存后號卽所居殿號曰保慶太后景祐三
年崩

英宗卽位尊仁宗慈聖光獻皇后爲皇太后帝感疾請

權同處分軍國事御內東門小殿聽政帝康復乃徹簾
勅有司崇峻典禮下令稱聖旨神宗立尊爲太皇太后
名宮曰慶壽元豐二年崩

神宗立尊英宗宣仁聖烈皇后爲皇太后居寶慈宮哲
宗嗣位尊爲太皇太后同御延和殿詔書稱吾以生日
爲坤成節令天下避后父諱元祐八年崩

元豐八年三月哲宗卽位太皇太后權同聽政三省
樞密院按儀注未釋服已前遇隻日皇帝御迎陽門
日參官並赴起居依例奏事每五日遇隻日於迎陽
門垂簾皇帝坐於簾內之北宰臣執政官升殿奏事

權屏去左右侍衛事有幾速許非時請對及賜宣召
亦許升殿禮部御史臺閣門奏討論御殿及垂簾儀
制每朔望六參皇帝御前殿百官起居三省樞密院
奏事應見謝辭班退各令詣內東門進榜子皇帝雙
日御延和殿垂簾日參官起居太皇太后移班少西
起居皇帝並再拜三省樞密院奏事三日已上四拜
不舞蹈候祔廟畢起居如常儀簾前通事以內侍殿
下以閣門吏部磨勘奏舉人垂簾日引應見辭謝臣
僚遇朔望參日不坐並先詣殿門次內東門應擡賜
者並門賜從之是月帝御迎陽門幄殿同太皇太后

垂簾宰臣親王以下合班起居常例分班十六至是合班以閣門奏請故也四月三省樞密院言續討論垂簾故事儀注應合告謝臣僚並垂簾日引依閣門見行儀制從之八月御史中丞黃履言朔望皇帝御前殿合赴起居官次日赴延和殿垂簾起居從之元祐元年閏二月右諫議大夫孫覺右諫議蘇轍進對有旨俟簾下內臣盡出方得敷奏

哲宗立尊神宗欽聖憲肅皇后爲皇太后哲宗崩決策迎立徽宗帝請權同處分軍國事辭帝固請乃從令外間不避家諱不立誕節名不通使遼國輔臣不於小殿

奏事纔六月卽還政明年崩

元符三年正月徽宗卽位皇太后權同聽政三省樞密院聚議故事嘉祐末英宗請慈聖同聽政五月同御內東門小殿垂簾至七月十三日英宗間日御前後殿輔臣奏事退詣內東門簾前覆奏明年手書還政又故事唯慈聖不立生辰節名不遣使契丹若天聖元豐則御殿垂簾立誕節名遣使與北虜往還及避家諱等會布曰今上長君豈可垂簾聽政請如嘉祐故事施行蔡卞曰天聖元豐與今日皆遺制處分與嘉祐末英宗請聽政不同布曰今日之事雖載於

遺制實出自德音又皆長君正與嘉祐事相似既奏得旨並依嘉祐治平政事施行布又謂同列曰奏事先奏太后次覆奏皇帝如今日所得指揮遂爲定式皇太后手詔付中書省曰皇帝踐祚之初勉從勤請非久便當退歸房闈除不御前後殿已指揮外如避家諱等並勿行

哲宗立尊生母朱德妃爲皇太妃時宣宗欽聖二太后皆居尊故稱號未得其極至元祐三年宣仁詔母以子貴輿蓋仗衛冠服悉侔皇后紹聖中欽聖復卽閣建殿改乘車爲輿上設行龍出入由宣德門百官上牋稱殿

下名所居爲聖瑞宮崇寧初崩追尊爲皇后

靖康二年二帝北狩金人僭立張邦昌邦昌迎哲宗元祐皇后入禁中垂簾聽政后遣使迎康王降手書播告天下王卽位於南京后撒簾上尊后爲元祐太后奉迎至行在所以元字犯后祖諱改稱隆祐太后從上幸維揚幸杭州苗傅劉正彥作亂請后聽政上復辟撒簾建炎三年避狄如虔州紹興元年崩

徽宗旣立尊哲宗元符皇后爲皇太后殿爲崇恩宮政和三年暴崩

徽宗宣和七年十二月上內禪以道君號退居龍德宮

皇太子卽皇帝位尊道君爲太上皇帝靖康元年上皇如南京避狄到鎮江三月虜退命李綱迎上皇於南京十一月京城失守二年二月上皇北狩紹興五年崩於五國城

欽宗旣受禪尊徽宗顯肅皇后爲太上皇后遷居寧德宮稱寧德太后京城失守從上皇北遷留虜中五年崩高宗旣卽位遙尊母韋賢妃爲宣和皇后紹興十年遙上皇太后冊寶於慈寧殿自後每遇誕日至朔皆遙行賀禮十二年八月自虜中歸至臨安入居慈寧宮二十九年崩

紹興三十二年六月上內禪稱太上皇帝退處德壽宮八月加上尊號爲光堯壽聖太上皇帝乾道七年再加上尊號爲光堯壽聖憲天體道太上皇帝淳熙二年再加上尊號爲光堯壽聖憲天體道性仁誠德經武緯文太上皇帝是年以聖壽七十行慶壽禮十二年再加紹業興統明謨盛烈八字十三年以聖壽八十行慶壽禮赦天下十四年冬十月崩

三十二年六月十一日內禪十二日上詣德壽宮欲以是日率百官朝太上皇於德壽殿以兩百僚免入見上就宮中行禮自後上詣宮行禮卽不集百官陪

十三日詔令宰臣率百官於初二日十六日詣德壽宮起居又詔朕欲每日一朝德壽宮面奉慈旨恐廢萬機煩羣下不許如前代朔望之禮太簡令禮官重定其期禮部請依漢高帝五日一朝太公故事每五日一詣德壽宮朝見如宮中禮從之乃詔自今後詣德壽宮惟經過官司起居餘並免十七日太上宣諭車駕每至宮必於門外降輦既行家人之禮自宜至殿上降輦又不須五日一朝只朝朔望於是有司請除朔望朝外於每月初八日二十二日詣德壽宮起居如宮中儀從之自後皆遵此制如值雨及盛暑祔

寒臨期承太上特旨仍免詣十二月冬至上詣德壽宮稱賀上壽禮畢入見太后如宮中之儀自後正乾至並同道元年二月朔上詣德壽宮請太后至延祥觀燒香次幸聚景園次幸玉津園太上聖旨日晚免車駕從還德壽宮臣僚止從駕還內沿路並免起居除軍官從駕外執政官以下並免以後或恭請幸南內或幸聚景園玉津園延祥觀靈隱天竺寺其儀並同

皇帝朝德壽宮儀注

前期儀鑾司設大次於德壽宮門內小次於殿東廊西向其日俟皇帝出卽御座從駕臣僚禁衛等起居如常

儀皇帝降御座乘輦將至德壽宮報文武百僚詣宮門外迎駕起居訖前導官太常卿閤門官太常博士禮直官先入詣大次前分左右立定俟皇帝詣德壽宮大次降輦入次御史臺閤門太常寺報文武百僚入詣殿庭北向立定前導官導皇帝入小次簾降俟太上皇帝卽御座小次簾捲前導官導皇帝升殿東階詣殿上折檻前奏請拜皇帝再拜訖前導官導皇帝稍前躬奏聖躬萬福訖導皇帝復位又奏請拜皇帝再拜訖導皇帝詣太上皇帝御座之東西向立前導官於殿上隨地之宜少立揖班首以下躬典儀曰拜贊者承傳曰拜在位官

皆再拜訖直身搢笏躬身三舞蹈跪左膝三叩頭出笏就一拜又兩拜拜訖且躬身班首不離位奏聖躬萬福訖典儀曰拜贊者承傳曰拜在位官皆再拜又兩拜拜訖直立身捲班出前導官以次退

從駕官歸幕次以俟從駕還內

太上

皇帝還內如來儀

每遇正旦冬至及朔望並依上儀

淳熙二年十一月詔太上皇帝聖壽無疆新歲七十用十一月冬至加上尊號冊寶十二月十七日立春行慶壽禮是日早文武百僚並簪花赴文德殿立班聽宣慶壽赦赦文太極之功不宰其可贊者兩儀之生大明之

照無疆所能推者千載之至欽惟聖父誕保我家二百
餘載而中天定神器於欽側艱虞之始三十六年而宅
位授朕師於康強暇豫之時上穹綿有永之年下土洽
無爲之化興言菲質日侍慈顏竭幅員之富而未足伸
至養之誠極尊美之稱而未足表難名之德茲載新於
歲律庸展慶於耆齡前殿奉卮企高皇而踵武大安進
膳邁貞觀之彌文鏘金奏以充庭儼臣工而在列和氣
遡周於宇宙盛容創見於古今仍內奉於母儀庸備殫
於子道爲酒以介眉壽誕膺純嘏之常立春而下寬書
更廣庶民之富可大赦天下於戲建無窮之基則享無

窮之樂命方僕於萬年有非常之事則侈非常之休恩
盍推於四海矧羣黎百姓夙依於覆育而耆老大夫咸
自於甄陶今而仁壽之同躋必也安榮之共保諒爾有
邦之衆知予錫類之心赦書日行五百里敢以赦前事
言者以其罪罪之主者施行宣赦訖從駕官並赴後殿
起居謝花再拜從駕至德壽宮行慶壽禮

陳設

前期儀鑿司陳設德壽宮殿上當中南向設大次於德
壽宮內南向小次於殿東廊西向設皇帝褥位二一於
御座之東西向一於御座之南北向尚醞設御酒器於

御座之東有司又設御茶床於御座之西俱稍北

上壽

其日後殿入官喝排立俟催班立定

應從駕應奉官禁衛等並簪花不係

從駕官徑赴德壽宮並簪花以俟迎駕起居

閣門報班齊皇帝服鞞袍出宮

門禁衛諸班親從等並迎駕自贊常起居自贊謝花兩

拜

入內省執骨朶使臣迎駕常起居謝花兩拜

皇帝座知閣門以下御帶環

衛官諸司祇應官等一班鬪班宣名常起居次贊謝花

兩拜訖知閣門官升殿讀奏日

餘官並退

次舍人引應從駕

官一班赴當殿宣名常起居次贊謝花兩拜

執政有奏事如儀皇

太子內中起居簪花以俟從駕

次管軍一班宣名常起居次贊謝花兩

拜訖皇帝升輦將至德壽宮文武百僚迎駕常起居贊

謝花兩拜訖前導太常卿閣門官太常博士禮直官并

管軍御帶環衛官等詣大次前分左右立文武百僚入

詣德壽殿下東西相向立俟皇帝至大次降輦入次簾

降簪花服鞞袍閣門御史臺太常寺分引皇太子以下

應從駕官入詣德壽殿下東西相向立大次簾捲前導

官前導皇帝入小次簾降

前導太常卿閣門官太常博士禮直官并管軍御帶環衛

官等俟太上皇帝出宮迎太上皇帝四拜起居

太上皇帝出宮行門禁衛諸班

親從等迎太上皇帝自贊常起居太上皇帝升御座鳴

鞭小次簾捲前導官前導皇帝升殿東階詣殿上折檻

前北向褥位奏請拜皇帝再拜訖躬奏聖躬萬福訖又奏請拜皇帝再拜訖前導皇帝詣太上皇帝御座之東褥位西向立前導官於殿上隨地之宜立閣門御史臺太常寺分引皇太子并文武百僚並橫行北向立舍人揖皇太子以下躬典儀曰拜贊者承傳在位官皆再拜搯笏舞蹈又再拜訖且躬身班首不離位奏聖躬萬福訖典儀曰拜贊者承傳在位官皆再拜訖直身立分東西相向立禮直官引奉盤盞參知政事受盤盞參知政事承旨宣答簽書樞密院事奏禮畢戶部尚書殿中監少監升殿東階

奉盤盞參知政事受盤盞參知政事殿中監少監詣酒稍北南向立承旨宣答

簽書樞密院事并奏禮畢戶部尚書詣折檻之東西向立舍人通樂人姓名已下四

拜起居次看盞人稍前贊拜兩拜贊上殿祇候內特進御茶床殿侍酌酒訖尚醞典御以盤盞酒注授殿中監少監次禮直官引奉盤盞參知政事詣酒樽所北向搯笏殿中監奉盤盞參知政事捧盤盞西向立殿中監啓盞殿中少監以酒注於盞奉盤盞參知政事奉酒詣皇帝前北向

禮直官引受盤盞參知政事詣太上皇帝御座前西向立定閣門御史臺

太常寺分引皇太子并文武百僚橫行北向立俟奉盤盞參知政事躬進皇帝皇帝奉酒詣太上皇帝御座前躬進訖少後受盤盞參知政事躬接訖復授奉盤盞參

知政事前導官導皇帝詣御座前褥位北向晚伏跪殿
下皇太子并百僚並躬身皇帝致詞曰皇帝御名稽首
言天祐君親錫茲難老維春之吉年德加新臣御名與羣
臣等不勝大慶謹上千萬歲壽伏興奏請拜皇帝再拜
典儀曰拜贊者承傳在位官皆再拜訖直身立分東西
相向立前導官導皇帝詣御座東西相向立奉盤盞參
知政事以盤北向躬進皇帝訖奉盤盞參知政事復位立皇帝奉盤
詣御座東西向立樂作俟太上皇帝飲酒訖皇帝躬接
盞樂止少後受盤盞參知政事躬接訖以授尚醞典御
各復位立閣門御史臺太常寺分引皇太子并文武百

僚橫行北向立前導官導皇帝詣褥位北向奏請拜皇
帝再拜典儀曰拜贊者承傳在位官皆再拜訖身身立
前導官導皇帝詣御座之東褥位西向立舍人揖皇太
子已下躬典儀曰拜贊者承傳在位官皆再拜擗笏舞
蹈又再拜訖直身立內侍舉御茶床禮直官引戶部尚
書詣御座前北向俛伏跪奏具官臣某言禮畢伏興退
復位立典儀曰拜贊者承傳在位官皆再拜訖直身立
分相向立次舍人贊樂人謝祇應兩拜訖太上皇帝駕
興皇帝從入宮文武百僚前導應奉官等以次退皇帝
皇太子入賀太上皇后於宮中行禮執政率文武百僚

拜牋賀太上皇后訖以俟駕興從駕并應奉官禁衛等並簪花從駕還內

建炎以來朝野雜記昭慈聖獻皇后之在建康也

有司月奉千緡而止后生辰別奉緡錢萬時朝廷

用度不給故其禮不及承平時其後顯仁后自北

來歸歲奉錢二十萬緡月奉萬緡冬年寒食生辰倍之帛二萬餘

疋生辰絹萬疋春冬端午冬綿五千兩酒日一斗各三千疋綾羅二千疋

羊三牽高宗在德壽宮孝宗命有司月供十萬緡

高宗以養兵多費詔減其六萬及孝宗在重華命

月進三萬緡而已上受禪詔太皇太后月奉緡錢

二萬皇太后萬五千上皇太后五萬而重華別給

二萬焉

右光堯之壽祉壽皇之孝養古今罕儷故具載其

事於此

孝宗既受禪尊憲聖皇后為皇太后居德壽宮上尊號

曰壽聖太上皇后每遇誕節上詣宮上壽至朔望朝上

皇畢入見后如宮中之儀乾道七年加壽聖慈明尊號

淳熙二年以上皇慶壽禮又加號壽聖齊明廣慈十年

后年七十行慶壽禮十三年加尊號備德二字上皇崩

遺詔改稱皇太后上欲迎還大內太后以上皇几筵在

德壽宮不許因築本殿名慈福光宗卽位后當爲太皇太后以壽皇故更號曰壽聖皇太后紹熙四年慶壽八十加號隆慈備福孝宗崩始稱太皇太后光宗疾不能行喪禮宰臣請后於壽皇梓宮前垂簾宣光宗手批立寧宗慶元元年加尊號光祐二字二年遷居重華宮易名曰慈福三年崩

容齋洪氏隨筆曰唐德宗卽位訪求其母沈太后歷順宗及憲宗時曾祖母故稱爲會太皇太后蓋別於祖母也舊新二唐書紀皆載之今慈福太皇太后在壽康太上時已加尊稱若於主上則爲會

祖母當用唐故事加會字向者嘗已告宰相而省吏以爲典故所無天子逮事三世安得有前此亦可謂不知禮矣又嗣濮王士歆在隆興爲從叔祖在紹熙爲曾叔祖慶元爲高叔祖矣而仍稱皇叔祖如故士歆視嗣秀王伯圭爲從祖今圭稱皇伯祖而歆但爲皇叔祖乃是弟爾禮寺亦以爲國朝以來無稱曾高者彼蓋不知累朝尊屬元未之有也

淳熙十六年二月內上禪皇太子卽位移御重華宮上尊號曰至尊壽皇聖帝至紹熙五年崩

光宗既受禪上成肅皇后尊號曰壽成皇后孝宗崩上皇太后尊號慶元初加號惠慈嘉泰二年上太皇太后尊號

紹熙五年六月壽皇崩光宗以疾不能行喪禮七月憲

聖太皇太后命皇子嘉王即皇帝位尊光宗為太上皇

居泰安宮以內中寢殿為之慶元元年上尊號曰聖安壽仁六

年崩

寧宗既即位尊慈懿皇后為皇太后退居壽康宮慈寧

殿上尊號曰壽仁慶元六年崩

文獻通考卷第二百五十二

文獻通考卷第二百五十三

鄱陽馬端臨貴與著

帝系考四

后妃皇太子妃及後宮冊后妃及冊太子妃禮儀

黃帝娶於西陵之女

西陵國名也

是為嫫祖

祖一作俎嫫力追反索隱曰一

曰雷祖音力謹反正義曰一作嫫

嫫祖為黃帝正妃

索隱曰按黃帝立四妃象后妃四星

皇甫謐云元妃西陵氏女曰嫫祖生昌意次妃方雷氏女曰女節生青陽次妃彤魚氏女生夷鼓一名蒼林次妃嫫母班在三人之下按國語夷鼓蒼林是二人又按漢書古今人表彤魚氏生夷鼓嫫母生蒼林不得如謐

說生二子其後皆有天下其一曰元囂是為青陽

太史公曰

據大戴禮以嫫祖生昌意及元囂則青陽也皇甫謐以青陽為少昊乃方雷氏所生是其所見異也索隱曰元

乾隆十二年校刊

文獻通考卷第二百五十三

帝系四

囂帝嚳之祖按皇甫謐及宋衷皆云元囂青陽即少昊也今此紀下云元囂不得在帝位則太史公意青陽非少昊明矣而此又云元囂是為青陽當是誤也謂二人皆黃帝子並列其名所以前史因誤以元囂青陽一人耳宋衷又云元囂是為青陽少昊繼黃帝立者而史不叙蓋少昊以金德王非五運之次故叙五帝不數之也

青陽降居江水其二曰昌意降居若水降下也言帝子為諸侯降居江

水若水二國皆在蜀即所封國也昌意娶蜀山氏女曰昌僕生高陽高

陽有聖德焉正義曰華陽國志及十三州志云蜀之先肇於人皇之際黃帝與子昌意娶蜀山氏

後子孫因封焉帝顓頊高陽氏黃帝之孫昌意之子母曰昌僕亦謂之女樞河圖云瑤光如蜺貫月正白感女樞於幽房之宮生顓頊首戴干戈有德文也

帝嚳有四妃卜其子皆有天下元妃有郃氏女曰姜嫄

生后稷次妃有娥氏女曰簡狄生高次妃陳豐氏女曰

慶都生放勳次妃媧訾氏女曰常儀生帝摯帝嚳崩帝摯代立摯

在位九年政微弱弟唐侯放勳德盛乃禪位焉

唐堯娶散宜氏之女曰女皇生丹朱又有庶子九人皆

不肖

虞舜娶堯之二女長娥皇次女英舜升天子娥皇為后

女英為妃娥皇無子女英生商均

夏禹娶塗山氏之女生啟

商湯妃有莘氏之女

周太王娶有郃氏之女曰太姜

詩古公亶父來朝走馬率西水滸至于岐下爰及姜

乾隆十二年校刊 虞夏書卷之三 帝系四

女聿來胥宇

王季娶摯任氏之中女

正義曰國語之摯疇二國任姓奚仲仲虺之後太任之家太任

王季之妃文王母也

詩摯仲氏任自彼殷商來嫁于周曰嬪于京乃及王

季維德之行太任有身生此文王 思齊太任文王

之母思媚周姜京室之婦

齊莊媚愛也周姜太姜也京周地也常思莊敬太任

也乃為文王之母又常思愛太姜之配太王之禮故能為京室之婦言其德行純備故生聖子也

列女傳太姜太王娶之以為妃生太伯仲雍王季太

姜有色而貞順率導諸子至於成童靡有過失太王

謀事必於太姜遷徙必與太任王季娶之以為妃太

任之性端壹誠莊維德之行及其有身目不視惡色
耳不聽淫聲口不出傲言能以胎教子而生文王此
皆有賢行也

文王娶有莘氏之長女曰太姒

詩文王初載天作之合在洽之陽在渭之涘文王嘉

止大邦有子大邦有子倪天之妹

倪譬也知太姒之賢而尊之如天之

有女弟

文定厥祥

問名之後卜而得吉則文王以禮定其吉祥語納幣也

親迎于

渭造舟為梁不顯其光

不明乎其禮之有光輝美之也天子造舟周制也殷時未

有此等制

有命自天命此文王于周于京纘女維莘長子

維行

天將命文王君天下於周京之地故亦為作合使繼太任之女事於莘國莘國之長女太姒則

配文王維 篤生武王保祐命爾燮伐大商 燮和也謂協和伐殷

德之行 太姒嗣徽音則百斯男 太姒十子衆妾則宜百子也箋云徽美也嗣太

任之美音謂續 惠于宗公神罔時怨神罔時恫 宗公

行其善教令 也惠 刑于寡妻至于兄弟以御于家邦 刑法也寡妻適妻也箋云

順也

武王娶邑姜 服虔曰邑姜武王后太公之女也

論語武王曰予有亂臣十人 十人謂周公旦召公奭太公望畢公榮公太顛

闕天散宜生南宮适其一人謂文母劉侍讀以為子無臣母之義蓋邑姜也九人治外邑姜治內亂治也

孔子曰才難不其然乎唐虞之際於斯為盛有婦人

焉九人而已

史記武王與叔虞母會時夢天謂武王曰余命女生

子名虞余與之唐及生子文在其手曰虞故命之曰

虞

曲禮天子有后有夫人有世婦有嬪有妻有妾 妻八十

周禮謂之女御以其御序於王之燕妾賤者 疏夫扶

也扶持於王婦服也言其進以服事君子也以其猶貴

故加以世婦言之亦廣世允也嬪婦人之美稱可賓敬

也妻之言齊也言進御於王之時暫有齊同之義妾之

言接也聞波有禮走而往焉以得接見於君子也周禮

則嬪在世婦上文無妾之文也今此所陳與周禮雜而

告而娶不立正妃但三夫人夏則因而廣之增九女則

乾隆十二年校刊

帝系四

之義以其御於王之燕寢御女按周禮王有六寢一是在正寢餘五在後通為燕寢其一在東北王春居之一在西北王冬居之一在西南王秋居之一在東南王夏居之一在中央六月居之凡后妃以下更為次序而上御王於五寢之中也故鄭注周禮九嬪云凡御見之法月與后妃其象也卑者宜先尊者宜後女御八十一人當九夕世婦二十七人當三夕九嬪九人當一夕三夫人當一夕后當一夕亦十五日而徧云自望後反之婦人當一夕必有女史彤管以差次之而后妃羣妾以禮御於君所女史書其日月授之環以進退之生子月辰則以金環退之當御者以銀環進之著左手既御著於右手事無小大記以成法

昏義古者后立六宮三夫人九嬪二十七世婦八十一御妻以聽天下之內治以明章婦順故天下內和而家理天子立六官三公九卿二十七大夫八十一元士以聽天下之外治以明章天下之男教故外和而國治故

曰天子聽男教后聽女順天子理陽道后治陰德天子聽外治后聽內治教順成俗外內和順國家理治此之

謂盛德天子六寢而六宮在後六官在前所以成副施

公以下百二十人似夏制也合而言之取其相應有象

天數也內治婦學之法也陰德謂主陰事陰令也

義曰按宮人云掌王之六寢之修注路寢一小寢五

天子六寢也云六宮在後者后之六宮在王之六寢之

後亦大寢一小寢五其九嬪以下亦分居之其三夫人

雖不分居六宮亦分主六官之事或二官則一人也或

猶如三公分主六卿之類也云內治婦學之法也者按

九嬪職云掌婦學之法故知內治是婦學也云陰德謂

主陰事陰令也者按內宰掌王之陰事陰令注云陰

事謂羣妃御見之事陰令為王所求為於北官也

周官內宰以陰禮教六宮

鄭司農云陰禮婦人之禮六

人后一人夫人三人嬪九人世婦二十七人女御八十

一人言謂六宮謂后也婦人稱寢曰宮宮隱蔽之言后

象王立六宮而居之亦正寢一燕寢五教者不以陰禮
敢斥言之謂之六宮若今稱皇后為中宮矣
教六嬪教之以婦人之禮不言教以婦職之法教九御

使各有屬以作二事正其服禁其奇袞展其功緒謂織

純組紉縫線之事九御女御也九九而御於王因以號

焉使之九為屬同時御又同事也正其服止踰侈奇

袞若今媚道展猶錄也緒業也故書二為大祭祀后裸

三杜子春云當為二二事謂絲枲之屬也

獻則贊瑤爵亦如之謂祭宗廟王既裸而出迎牲后乃

大宗執璋瓚亞裸此大宗亞裸謂夫人不與而攝耳獻

謂王薦腥薦熟后亦從獻也瑤爵謂尸卒食王既醕尸

爵以瑤為飾其正后之服位而詔其禮樂之儀當與樂相

應位謂房中戶贊九嬪之禮事助九嬪贊后之事九嬪

內及阼所立處者贊后薦玉盞薦徹豆

籩盞音杏凡賓客之裸獻瑤爵皆贊謂王同姓及二王之

裸之禮亞王而禮賓獻謂王享燕亞王獻賓也瑤爵所

以亞王酬賓也坊記曰陽侯殺穆侯而竊其夫人故大

饗廢夫致后之賓客之禮謂諸侯來朝覲凡喪事佐后

人之禮及女賓之賓客

使治外內命婦正其服位使使其屬之上士內命婦謂

命婦卿大夫之妻王命其夫后九嬪世婦女御鄭司農云外

命其婦元謂士妻亦為命婦凡建國佐后立市設其

次置其叙正其肆陳其貨賄出其度量淳制祭之以陰

禮市朝者君所以建國也建國者必面朝後市王立朝
而市朝者君所以建國也建國者必面朝後市王立朝
處也度丈尺也量豆區之屬鄭司農云佐后立市者始
立市后立之也祭之以陰禮者市中之社先后所立社
也故書淳為敦杜子春讀敦為純純謂幅廣也制謂匹
長元謂純制天子巡狩禮所云制幣丈八尺純四狶與
陰禮婦人之祭祀純諸中春詔后帥內外命婦始蠶
允反下同狶音紙與音餘

乾隆十二年校刊

帝系四

六

則會內人之稍食稽其功事內人主為九御佐后而受獻功者

比其小大與其麤良而賞罰之獻功者九御之屬鄭司農云烝而獻功元謂典

婦功日及會內宮之財用計夫人以下所用財正歲均其稍食施

行功事憲禁令於王之北宮而糾其守均猶調度也施猶賦也北宮后

之六宮謂之北宮者繫於王宮之上春詔王后帥六宮

之人而生種稷之種而獻之於王六宮之人夫人以下分居后之六宮者古

者使后官藏種以其有傳類蕃孳之祥必生而獻之示

能育之使不傷敗且以佐王耕事共禘郊也鄭司農云

先種後熟曰種後種先熟曰稷王當以耕種於藉田元

謂詩云烝稷種稷是也夫人以下分居后之六宮者每

宮九嬪一人世婦三人女御九人其餘九嬪三人世婦

九人女御二十七人從后唯其所燕息焉從后者五口

而沐浴其次又上十五日而徧云夫人如三公從容論婦禮

內宰下大夫二人上士四人中士八人府四人史八

人胥八人徒八十人內宰官中官之長數內宰對

九嬪掌婦學之法以教九御婦德婦言婦容婦功各帥

其屬而以時御叙於王所婦德謂貞順婦言謂辭令婦容婉婉婦功謂絲枲自九嬪

以下九九而御於王所九嬪者既習於四事又備於從

人之道是以教女御也教各率其屬者使亦九九相與

從於王所息之燕寢御猶進也勸也進勸凡祭祀贊玉

王息亦相次叙羣妃御見法見曲禮注齋贊后薦徹豆邊王齋王敦受烝稷器后進之而不若

故名內宰太宰不稱外者謂兼統內

內宰下大夫二人上士四人中士八人府四人史八人胥八人徒八十人

內宰官中官之長數內宰對太宰治百官內宰治婦人之事

其屬而以時御叙於王所

婦德謂貞順婦言謂辭令婦容婉婉婦功謂絲枲自九嬪

齋贊后薦徹豆邊

王齋王敦受烝稷器后進之而不若徹故書玉為王也杜子春讀為玉

有賓客則從后

當贊后事大喪帥叙哭者亦如之亦從治帥

哭眾之次世婦掌祭祀賓客喪紀之事帥女官而濯概

為齊盛擬拭也為猶差擇疏祭祀黍稷春人春之饌

然及祭之日涖陳女官之具凡內羞之物涖臨也內羞房中之羞也

掌弔臨於卿大夫之喪王使之往弔

女御掌御叙於王之燕寢言掌御叙防上之專妬者於王之燕寢則王不就后官息

疏掌御叙不使九嬪世婦掌之者謂在上妬嫉自專之事女御卑不敢也以歲時獻功事

絲臬成凡祭祀贊世婦助其帥大喪掌沐浴王及后

之喪持翼翼棺飾也持而從柩車從世婦而弔於卿大夫之喪從

數蓋如使者之介云

鄭氏曰不列夫人於此官者夫人之於后猶三公之於王坐而論婦禮無官職世婦不言數者君子

不苟於色有婦德者充之無則闕女御昏義所謂御妻御猶進也侍也

天子聘女納徵加穀珪鄭元云納徵加於束帛賈公彥曰士以上皆同元纁束帛天子

加以穀珪也

魯桓公八年祭公來遂逆王后于紀

公羊傳祭公者何天子之三公也何以不稱使豕宰周公

稱婚禮不稱主人時王者有母也遂者何生事也生猶造也專事之辭

大夫無遂事此其言遂何據待君命然後卒大夫也成使乎我也

以上來無事知成其成使乎我奈何使我為媒可則

因用是往逆矣婚禮成於五先納采問名納吉納徵請期然後親迎時王者遣祭公來使

魯為媒可則因用魯往迎之不復成禮疾王者不重
妃匹逆天下之母若逆婢妾將謂海內何哉故譏之
不言如紀者辭有外文女在其國稱女此其稱王后何王者無
外其辭成矣

九年春紀季姜歸于京師

公羊傳其辭成矣則其稱紀季姜何自我言紀父母

之於子雖為天王后猶曰吾季姜明子尊不加於父母

襄公十五年劉夏逆王后于齊劉采地夏名也天子卿書字劉夏非卿故書名

天子無外所命則成故不言逆女

左氏傳十二年靈王求后於齊齊侯問對於晏桓子
桓子對曰先王之禮辭有之天子求后於諸侯諸侯

對曰夫婦所生若而人不敢譽亦不敢妾婦之子若

而人言非適也無女而有姊妹及姑姊妹則曰先守某公

之遺女若而人齊侯許昏王使陰里結之陰里周大夫結成也

十五年官師從單靖公逆王后于齊卿不行非禮也

官師劉夏也天子官師非卿也劉夏獨過曾告昏故不書單靖公天子不親昏使上卿逆而公監之故曰卿不行非禮也

通典說曰禮記昏義云婚禮者將合二姓之好上

以事宗廟下以繼後代也故君子重之共牢而食

合昏而醕所以合禮同尊卑而親之成男女之別

立夫婦之義而後父子親君臣正故曰婚禮者禮

之本也公羊說天子至庶人皆親迎左氏說王者
至尊無敵體之義不親迎鄭元駁之曰文王親迎
於渭則天子親迎也天子雖尊然夫婦無判禮同
一體所謂無敵豈施於此按禮記哀公問曰冕而
親迎不亦重乎孔子對曰合二姓之好以繼先聖
之後以爲天地宗廟社稷之主君何謂已重乎此
言繼先聖之後以爲天地之主非天子則誰乎是
鄭以天子當親迎也杜元凱以爲天子不親迎按
春秋祭公逆王后于紀傳曰禮也劉夏逆王后譏
卿不行皆不譏王不親行明是天子不當親迎也

文王之迎太姒身爲公子迎在殷代未可據此以
爲天子之禮孔子之對哀公自論魯國之法魯以
周公之後得郊祀上帝故以先聖天地爲言耳非
說天子之禮

漢興因秦之稱號帝母稱皇太后祖母稱太皇太后適

稱皇后

師古曰適讀曰嫡后亦君也天曰皇天地

妾皆

稱夫人又有美人良人八子七子長使少使之號焉

師古

曰良善也八七祿秩之差也長使少使主供使者

至武帝制倅仔姪娥俗倅充

依各有爵位

師古曰倅言接幸於上也好美稱也姪娥

充依言充後庭而依秩序也倅音接仔音子

字或從女其音同耳姪音五經反俗音容而元帝加

昭儀之號

師古曰昭顯其儀亦隆重也

凡十四等云

師古曰除皇后自昭儀以下至

秩百石

昭儀位視丞相爵比諸侯王健仔視上卿比列

侯姪娥視中二千石比關內侯

師古曰中二千石實得二千石也中之言滿也

月得百八十斛是為一歲凡得二千

俗儔視真二千石

比太上造

師古曰真二千石耳太上造第十爵美人

視二千石比少上造

師古曰二千石月得百二十斛一歲凡得一千四百石耳少上

造第十爵

八子視千石比中更

師古曰中更第十爵也

充依視千石比左更

師古曰左更第七子視八百石比右

庶長

師古曰右庶長第十一爵

良人視八百石比左庶長

師古曰左庶長第十

爵長使視六百石比五大夫

師古曰五大夫第九爵

石比公乘

師古曰公乘第八爵

五官視三百石

師古曰五官所掌亦象外之五官也

順常視二百石無涓共和娛靈保林良使夜者皆視百

石

師古曰涓潔也無涓言無所不潔也共讀曰恭言恭順而和柔也娛靈可娛樂情靈也保安也保林言其

可安眾如林也良使使令之善也夜者主職夜事令力成反

上家人子中家人子視

有秩斗食云

師古曰家人子者言采擇良家子以入宮未有職號但稱家人子也斗食謂佐史也

謂之斗食者言一歲不滿百石日食一斗二升

五官以下葬司馬門外

馬門之外

高祖呂皇后名雉單父人高祖微時后父呂公相而異

之妻以后生惠帝魯元公主高祖為漢王元年封呂公

為臨泗侯高祖崩孝惠立尊后為皇太后

應歷代后之推尊爲皇太后太妃者自推尊以後
至崩葬事跡並見太后門此不具錄後同

戚姬定陶人愛幸生趙王如意高祖崩爲呂后所殺
薄姬吳人初在魏王豹宮中豹亡輸織室高祖幸之生
文帝自有子後希見文帝封代王從之文帝既立尊爲
皇太后

孝惠張皇后宣平侯敖之女母魯元公主呂太后欲爲
重親故以魯元女配帝爲皇后無子惠帝崩皇太后取
後宮子立爲帝太后崩大臣誅諸呂及所名孝惠子張
后廢處北宮北宮在未央之北孝文後元年薨葬安陵不起墳

惠帝納后納采鴈璧乘馬束帛聘黃金二萬斤馬十

二匹

呂氏爲惠帝娶魯元公主女故特優其禮

先公曰魯元壻其弟而不知帝之爲人主也惠帝
妻其甥而不知妻之爲王后也夫上者民之父母
如此豈可以奉神靈之統哉蓋人倫顛倒而君道
陵夷甚矣

孝文竇皇后觀津人呂太后時以良家子選入宮太后
出宮人賜諸王各五人竇姬與至代代王幸之生女嫖
及景帝代王王后卒及入爲帝立啓爲太子竇姬爲皇
后景帝立尊爲皇太后

文獻通考卷三百三十三
孝景薄皇后孝文薄太后家女也景帝爲太子時太后
取爲太子妃景帝立之爲皇后無寵立六年薄太后崩
坐廢廢後四年薨葬長安城東平望亭南

孝景王皇后槐里人初嫁爲金王孫婦母臧氏奪之金
以納太子宫景帝爲太子愛幸之生三女及武帝景帝
卽位廢薄皇后及太子爲臨江王乃立王夫人爲后男
爲太子封后父信爲蓋侯武帝卽位尊爲皇太后

孝武陳皇后長公主嫖女父陳午武帝得立爲太子長
主有力乃取主女爲妃及帝卽位爲皇后十餘年無子
元光五年坐巫蠱廢居長門宮後十餘年薨葬霸陵郎

官亭東

孝武衛皇后字子夫生微爲平陽主謳者帝悅之納宮
中元朔元年生男據遂立爲皇后據爲太子立二十八
年遭巫蠱事起太子誅江充發兵敗收后璽綬自殺宣
帝立改葬諡思后

孝武李夫人本以倡進兄延年納之宮中得幸生昌邑
哀王夫人早卒上憐之以后禮葬及衛思后廢後四年
武帝崩大將軍光緣上雅意以李夫人配食追上尊號
曰孝武皇后

孝武鉤弋趙婕妤河間人武帝巡狩過河間望氣者言

有奇女乃使使召之得幸爲僖仔居鉞弋宮生昭帝後
從幸甘泉以譴死昭帝立追尊爲皇太后

孝昭上官皇后祖桀父安隴西上邽人孝昭立召入宮
爲僖仔月餘立爲皇后年甫六歲立十歲而昭帝崩昌

邑王卽位尊爲皇太后

時年方十
四五歲

衛太子史良娣宣帝祖母太子有妃有良娣有孺子妻
妾凡三等子皆稱皇孫史良娣家魯國元鼎四年入爲
良娣生男號史皇孫武帝末巫蠱事起衛太子及良娣
史皇孫皆遭害宣帝卽位追尊爲戾后起園邑史氏侯
者四人

史皇孫王夫人宣帝母名翁須大始中得幸於史皇孫
皇孫妻妾無號位皆稱家人子征和二年生宣帝帝生
數月衛太子皇孫敗家人子皆坐誅莫有收葬者宣帝
卽位後追尊爲悼后起園邑王氏侯者二人

孝宣許皇后父廣漢昌邑人宣帝養於掖庭號皇曾孫
廣漢以女妻之生元帝數月宣帝卽位立爲皇后廣漢
封昌成君明年爲淳于衍所毒崩在位三年諡恭哀皇
后葬杜南是爲杜陵南園

孝宣霍皇后大將軍光女許后崩光納之宮中立爲后
立五年霍顯與子謀反誅坐廢處昭臺宮後十二歲徙

雲林館乃自殺葬昆吾亭東

孝宣王皇后父奉光長陵人宣帝卽位入宮爲倅仔帝
憐太子蚤失母幾爲霍氏所害乃選後宮素謹慎無子
者立王倅仔爲后令母養皇太子立十六年宣帝崩元
帝卽位爲皇太后

孝元王皇后名政君父禁居長安爲廷尉吏宣帝時入
掖庭爲家人子歲餘宣帝令送太子宫見內殿一幸有
身生成帝爲皇孫元帝卽位以妃爲倅仔後三年立爲
皇后成帝立爲皇太后

孝成許皇后平恩侯嘉女元帝悼母悲哀后遭霍氏之

禍故選佳女配皇太子成帝卽位立爲皇后立十四年
寵衰坐姊爲媚道祝詛廢處昭臺宮後九年坐淳于長
等與后姊嬖通書有諄謾賜藥自殺葬延陵交道廐西
孝成班倅仔帝初卽位選入後宮始爲少使俄大幸爲
倅仔居增成舍有男後失之鴻嘉三年趙飛燕告許后
及班倅仔挾媚道祝詛后坐廢倅仔入求共養太后長
信宮至成帝崩倅仔充奉園陵薨因葬園中

孝成趙皇后本長安宮人

師古曰本宮人以賜陽阿主

名曰宮人非天子掖庭中也事見漢舊儀言長安者以別甘泉等諸宮省也

屬陽阿主家學

歌舞號曰飛燕

以其體輕故也

成帝見而悅之召入宮大幸有

女弟復召入俱爲倅仔許后廢乃立飛燕爲皇后而女弟爲昭儀姊弟專寵十餘年無子成帝暴崩民間歸咎趙昭儀皇太后詔問皇帝起居發病狀昭儀自殺哀帝立尊趙皇后爲皇太后

孝元傳昭儀哀帝祖母父河內溫人昭儀少爲上官太后才人自元帝爲太子得進幸帝卽位立爲倅仔甚有寵生一男一女男爲定陶恭王帝旣重傳倅仔及馮倅仔亦幸生中山孝王上欲殊之於後宮以二人皆有子爲王上尚在未得稱太后乃更號曰昭儀賜以印綬在倅仔上昭其儀尊之也至成哀時趙昭儀董昭儀皆無

子猶稱焉元帝崩隨王歸國稱定陶太后恭王薨子入爲漢嗣爲哀帝尊爲恭皇太后

定陶丁姬哀帝母山陽瑕丘人恭王時姬爲後宮生哀帝帝入嗣漢卽位尊爲帝太后

孝哀傳皇后定陶太后從弟子哀帝爲王時傳太后欲重親取以配王王入爲漢太子傅氏爲妃卽位立爲皇后哀帝崩王莽奏徙桂宮後月復與孝成趙后俱廢爲庶人就其園自殺

孝元馮昭儀平帝祖母元帝卽位二年以選入後宮生男爲中山孝王元帝崩隨王之國哀帝立傳太后以素

怨誣以罪自殺

中山衛姬平帝母成帝時中山孝王無子上以衛氏子
豪少女配孝王生平帝孝王薨代爲王哀帝崩無子太
皇太后詔迎中山王立爲帝王莽欲專權懲丁傅行事
乃令帝母衛姬及外家不得至京師更立宗室桃鄉侯
子成都爲中山王奉孝王後賜衛姬璽綬拜爲中山孝
王后加湯沐邑後以事誅衛氏支屬唯后在莽篡位廢
爲家人歲餘卒

孝平王皇后安漢公王莽女平帝卽位莽以女配帝以
禮迎立爲皇后歲餘平帝崩莽立孝宣元孫嬰爲孺子

尊后爲皇太后莽篡以嬰爲定安公改后爲定安公太
后時年十八自劉氏廢每稱疾不朝會莽敬悼哀傷欲
嫁之更號爲黃皇室主若漢之稱公主后怒發疾不肯起莽不
能強漢兵誅莽后赴火而死

王莽納女爲后以固權遣宗正劉宏尚書令平晏納
采太師孔光大司徒馬宮等四十九人賜皮弁素積
皮弁鹿皮爲冠也素積以十
五升布爲衣積素以爲裳以禮雜卜筮太牢告宗

廟封后父百里尊而不臣有司奏故事聘皇后黃金
二萬斤爲錢一萬萬莽深辭讓受四千萬而以其三
千三百萬予十一媵家有詔復益二千三百萬合爲

三千萬莽復以其千萬分子九族貧者遣甄豐奉璽

綬拜帝母衛姬為中山孝王后四年春遣大司徒宮

等奉乘輿法駕迎皇后於安漢公第授皇后璽紱顏

古曰紱所登車稱警蹕便時取日時上臨延壽門入

未央宮前殿羣臣就位行禮大赦天下益封安漢公

地滿百里賜迎皇后及行禮者三公以下宰執皆增

秩賜金帛各有差皇后立三月以禮見高廟尊父號

曰宰衡位在諸侯王上

班固贊曰易著吉凶而言謙盈之效天地鬼神至

於人道靡不同之夫女寵之興繇至微而體至尊

窮富貴而不以功此固道家所畏禍福之宗也序

自漢興終於孝平外戚後庭色寵著聞二十有餘

人然其保位全家者唯文景武帝太后及邛成后

四人而已至如史良娣王悼后許恭哀后身皆天

折不辜而家依託舊恩不敢縱恣是以能全其餘

大者夷滅小者放流嗚呼鑒前行事變亦備矣

東漢皇后紀叙論秦并天下多自驕大宮備七國

史記始皇

破六國寫放其宮室作之咸陽北阪上南臨渭水殿屋

復道周閣相屬所得諸侯美人以充實之并秦為七也

爵列八品前書曰漢興因秦之稱號正嫡稱皇后妾皆

稱夫人又有美人良人八子七子長使少使

之漢興因循其號而婦制莫釐釐高祖帷薄不修

大戴禮曰

大臣坐污穢男女無別者不曰污穢曰帷薄不修謂周昌入奏事高帝擁戚姬是不修也孝文衽席無辨鄭元注禮記曰衽卧席也考文幸慎夫人每與皇后同坐是無辨也然而選納尚簡

飭翫少華自武元之後世增淫費至乃掖庭三千增級

十四倅仔一姪娥二容華三充衣四已上武帝置昭儀五元帝置美人六良人七七子八八子九長使十

少使十一五官十二順常十三無涓共和娛靈妖幸毀

保林良使夜者十四此六官品秩同為一等也

政之符外姻亂邦之跡前史載之詳矣及光武中興斷

彫為朴六宮稱號唯皇后貴人貴人金印紫綬奉不過

粟數十斛又置美人宮人采女三等並無爵秩歲時賞

賜充給而已漢法常因八月算人漢儀注曰八月初遣為算賦故曰算人遣

中大夫與掖庭丞及相士於洛陽鄉中閱視良家童女
年十三以上二十以下姿色端麗合法相者載還後宮

擇視可否乃用登御所以明慎聘納詳求淑哲明帝聿

遵先旨宮教頗修登建嬪后必先令德內無出闔之言

權無私溺之授可謂矯其弊矣向使因設外戚之禁編

著令甲改正后妃之制貽厥方來豈不休哉雖御已有

度而防閑未篤故孝章以下漸用色授恩隆好合遂亡

緇蠹緇黑也蠹食木也云云見太后門故考列行跡以為皇后

本紀雖成敗事異而同歸正號者並列於篇其以私恩

追尊非當時所奉者則隨事附出謂安帝母左姬及祖母宋貴人之類並見

清河孝王傳親屬外事各依列傳其餘無所見則繫之此紀

謂賈貴人虞美人之類是以纘西京外戚云爾

光武郭皇后諱聖通真定藁人更始二年光武擊王郎至真定納后有寵卽位以爲貴人建武二年立爲皇后十七年以寵衰怨懟廢爲中山王太后后中子封中山王二十

年中山王徙封沛王后爲沛太后二十八年薨葬北邙按西都廢后如薄如陳如霍如許皆幽之別宮至光武郭后則以有子爲王故得隨子之國然帝在而稱太后非名也

光烈陰皇后名麗華南陽新野人更始元年帝納后於宛卽位封貴人生顯宗十七年廢皇后郭氏而立貴人

制詔三公曰皇后懷執怨懟數違教令不能撫循他子訓長異室宮闈之內若見鷹鷂旣無關雎之德而有呂霍之風豈可託以孤幼恭承明祀其上皇后璽綬陰貴人鄉里良家歸自微賤自我不見於今三年宜奉宗廟爲天下母主者詳按舊典時上尊號異常之事非國休福不得上壽稱慶顯宗卽位尊爲皇太后

明德馬皇后伏波將軍援之小女世祖時選入太子宮顯宗卽位以爲貴人永平三年立爲皇后肅宗卽位尊爲皇太后

賈貴人南陽人建武末選入太子宮生肅宗爲貴人帝

既爲明德后所養專以馬氏爲外家故貴人不登極位
及太后崩乃冊書加貴人王赤綬諸侯王赤綬也

章德竇皇后扶風平陵人大司徒融之曾孫以選入掖
庭建初三年立爲皇后和帝立尊爲皇太后

梁貴人梁竦女建初中入掖庭生和帝竇后以爲己子
忌梁氏誅竦貴人以憂卒竇后崩上尊號曰恭懷皇后
追服喪服葬西陵

和帝陰皇后光烈皇后兄執金吾識之曾孫永元四年
選入掖庭爲貴人八年立爲后十四年坐祝詛事廢遷
桐宮以憂卒立七年葬臨平亭部

和熹鄧皇后名綏太傅禹之孫永光八年入掖庭爲貴
人十四年陰后廢立爲皇后帝崩殤帝立尊爲皇太后
安思閻皇后名姬河內滎陽人元初元年以選入掖庭
爲貴人二年立爲皇后譖皇子保廢之帝崩立北鄉侯
懿尊爲皇太后

安帝宮人李氏生皇子保閻后專房妬忌鳩殺李氏譖
廢保爲濟陰王安帝崩立北鄉侯懿懿卒中黃門孫程
等迎保立之爲順帝遷閻太后於離宮后崩上李氏尊
號曰恭愍皇后葬恭北陵爲冊書金匱藏於世祖廟
順烈梁皇后名嬀音納納娶也大將軍商之女永建三年入

掖庭爲貴人陽嘉元年立爲皇后順帝崩冲帝立尊爲皇太后

虞美人以良家子選入掖庭生冲帝帝早夭大將軍梁冀秉政忌惡他族故抑而不登但稱大家而已陳夫人魏郡人少以聲技入孝王宮得幸生質帝亦以梁氏故榮寵不及熹平四年小黃門趙祐等言春秋之義母以子貴今冲帝母虞大家質帝母陳夫人皆誕聖皇而未

有稱號夫臣子雖賤尚有追贈之典况二母見在不蒙崇顯之次無以述尊先世垂示後世也帝感其言乃拜虞大家爲憲陵貴人陳夫人爲渤海孝王妃

孝王名鴻生質帝

使中常侍持節授印綬遣太常以三牲告憲陵懷陵靜陵焉

懷陵冲帝陵靜陵質帝陵

桓帝懿獻梁皇后名女瑩順烈皇后之女弟帝立迎立爲皇后皇太后崩恩愛稍衰延熹三年以恚崩在位十三年葬懿陵其歲誅梁冀廢懿陵爲貴人家

帝旣立明年有司奏太后曰春秋迎皇后于紀在塗則稱后今大將軍冀女弟應昭聖善結昏之際有命

旣集

帝爲蠡吾侯梁太后徵欲與后爲昏未及而質帝崩帝卽位冊爲后

宜備禮進徵

幣於是悉依孝惠皇帝納后故事聘黃金二萬斤納采鴈璧乘馬束帛一如舊典

桓帝鄧皇后名猛女和熹皇后從兄子鄧香之女永興中進入掖庭爲采女絕幸梁后崩梁冀誅立爲后八年坐驕忌廢以憂死立七年葬北邙

桓思竇皇后名妙章德皇后從祖弟孫女延熹八年鄧后廢以選入掖庭爲貴人其冬立爲皇后帝崩靈帝立尊爲皇太后

靈帝宋皇后扶風平陵人肅宗宋貴人之從曾孫建寧三年選入掖庭爲貴人明帝立爲皇后無寵爲中常侍王甫及後宮幸姬等所譖坐廢以憂死

靈帝冊宋貴人爲皇后天子御章德殿軒百官陪位

太尉龔使持節奉璽綬皇后北面帝南面太尉立階

下東向宗正大長秋西向宗正讀冊文曰惟建寧四年七月乙未制

詔皇后之尊與帝同體供奉天地祇承宗廟母臨天下故有莘與殷姜任母周二代之崇蓋有內德長秋宮闕中宮曠位宋貴人垂淑媛之懿體河山之儀威容昭曜德冠後庭羣僚所咨人曰宜哉卜之著龜卦得坤乾有司奏議宜稱綬組以母兆人今使太尉龔使持節奉璽綬宗正祖爲副立貴人爲皇后其往踐爾位敬尊禮典肅慎中饋母替朕命永終天祿冊文畢皇后拜稱臣任位

太尉授璽綬中常侍長秋太僕高鄉侯覽長跪受璽

紱奏於殿前女使授婕妤遂長跪受以授昭儀受長

跪以帶皇后皇后伏起拜稱臣妾畢黃門鼓吹三通

鳴鼓畢羣臣以次出后卽位大赦天下皇后秩比國

王卽位威儀赤紱玉璽也

漢制乘輿黃赤紱四乘黃赤縹紺紱黃質長二丈九

尺九寸太子太后綬乘輿同

靈思何皇后南陽宛人家本屠者以選入掖庭

風俗通曰漢以

八月算人后家以金帛賂遺主者以求之也

生皇子辯拜為貴人光和三

立為皇后靈帝崩皇子辯卽位尊為皇太后

王美人趙國人以良家子選入掖庭生皇子協何后妬

而醜之董卓既廢少帝立協是為獻帝後追尊為靈懷

皇后改葬文昭陵

獻帝伏皇后名壽瑯琊東武人大司徒湛之八世孫初

平元年入掖庭為貴人興平二年立為皇后建安十九

年為曹操所殺在位二十年

獻穆曹皇后名節魏公曹操之中女建安十八年操進

三女憲節華為夫人聘以束帛元纁五萬匹小者待年

於國

留住於國以待年長

十九年並拜貴人伏皇后殺立節為皇

后在位七年帝禪於魏降為山陽公夫人魏景初元年

薨合葬禪陵

范曄論曰漢世皇后無諡皆因帝諡以為稱雖呂

氏專政上官臨制亦無殊號

上官昭帝后也

中興明帝始

建光烈之稱其後並以德為配至於賢愚優劣混

同一貫故馬竇二后俱稱德焉其餘惟帝之庶母

及蕃王乘統以追尊之重特爲其號如恭懷孝崇

之比是也初平中蔡邕始追正和熹之諡蔡邕集議曰漢

世母氏無諡至於明帝始建光烈之稱是後轉因帝號嘉之以德上下優劣混而爲一違禮大行受大名小行受小名之制諡法有功安人曰熹帝其

后一體禮亦宜同大行皇太后諡宜爲和熹

安思順烈以下皆依而加焉

魏因漢法母后之號皆如舊制自夫人以下世有增損太祖建國始命王后其下五等有夫人有昭儀有婕妤有容華有美人文帝增貴嬪淑媛修容順成良人明帝增淑妃昭華修儀除順成官太和中始復命夫人登其位於淑妃之上自夫人以下爵凡十二等貴嬪夫人位

次皇后爵無所視淑妃位視相國爵比諸侯王淑媛位視御史大夫爵比縣公昭儀比縣侯昭華比鄉侯修容比亭侯修儀比關內侯婕妤視中二千石容華視真二千石美人視比二千石良人視千石

武宣卞皇后瑯琊開陽人本倡家年二十太祖納之於譙爲妾生文帝諸子無母者皆令母養之建安二十四年拜爲王后文帝受禪尊爲皇太后

文昭甄皇后中山無極人本袁熙妻冀州平文帝納之生明帝皇初二年以怨望賜死明帝卽位追諡

文德郭皇后安平廣宗人太祖時得入東宮文帝爲太

子立爲夫人及踐祚爲貴嬪皇初三年立爲皇后明帝
卽位尊爲皇太后

明悼毛皇后河內人皇初中以選入東宮明帝卽位以
爲貴嬪太和元年立爲皇后景初元年以愛弛賜死加
謚葬愍陵

明元郭皇后西平人世河右大族皇初中本郡反叛遂
没入宮明帝愛幸之拜爲夫人後立爲皇后齊王卽位
尊爲皇太后

魏制天子冊后以皮馬庭實加穀珪齊王正始四年
立后甄氏其儀不存

晉景獻羊皇后名徵瑜泰山南城人景帝納之無子武
帝受禪居弘訓宮號弘訓太后咸寧四年崩

文明王皇后名元姬東海郟人父肅魏中領軍陵侯歸
於文帝生武帝帝受禪尊爲皇太子宫曰崇化

初置宮卿重其

選以太常諸葛緒爲衛尉太僕武元楊皇后名艷弘農華陽人父文宗武帝爲世子聘
劉原爲太僕宗正曹楷爲少府之卽位立爲皇后

有司奏依漢故事皇后太子各食湯沐邑四十縣而帝以非古典不許
生惠帝泰始十年崩葬峻陽陵

泰始中帝博選良家以充後宮先下書禁天下嫁娶
使宦者乘使車給騶騎州郡召充選者使后揀擇后

性妬惟取潔白長大端正美麗者司徒李允領軍大將軍胡奮廷尉諸葛冲太僕臧權侍中馮蓀祕書郎左思及世族子女並充三夫人九嬪之列司冀堯豫四州二千石將吏家補良人以下名家盛族子女多敗衣瘁貌以避之 九年帝多遣良家子女以充內職自擇其美者以絳紗繫臂平吳之後復納孫皓宮人數千自此掖庭殆將萬人而並寵者甚衆帝莫知所適常乘羊車恣其所之至便宴寢宮人乃取竹葉插戶以鹽汁灑地而引帝車 十年將聘三夫人九嬪有司奏禮皇后聘以穀珪無妾媵禮贄之制曰詔后惠帝立尊爲皇太后

拜授可依魏氏故事於是臨軒使使持節兼太常拜三夫人兼御史中丞拜九嬪

武悼楊皇后名芷元后從妹父駿以咸寧二年立爲皇后惠帝立尊爲皇太后

武帝咸寧二年臨軒遣太尉賈充冊立皇后楊氏因

大赦賜王公以下各有差百僚上禮

納悼后

太康八

年有司奏大婚納徵用元纁束帛加穀珪馬二駟羊

鴈酒米如故

尚書朱整議按魏昏故事天子以皮馬爲庭實加以穀珪

左貴嬪名芬兄思好學善文名亞於思武帝聞其名納之拜修儀

胡貴嬪名芳父奮泰始九年納宮中拜貴嬪生武安公主

諸葛夫人名婉瑯琊陽都人父冲以泰始九年入宮拜爲夫人

惠賈皇后名南風平陽人父充泰始八年冊拜太子妃帝卽位立爲皇后干政廢楊太后淫恣在位十一年趙王倫等廢而殺之

惠羊皇后名獻容泰山南城人賈后旣廢孫秀乃立爲皇后時太安元年成都王穎奏廢爲庶人陳暉等伐義復后位張方入洛又廢后大駕幸長安又復永興初又

廢河間王顥欲殺后周馥止之帝崩懷帝立尊爲惠皇后居弘訓宮洛陽敗沒於劉曜曜僭位以爲后生二子而死僞諡文獻皇后

先公曰自司馬懿廢齊王芳司馬昭弑高貴鄉公而皆假太后以爲言旣以此得成篡矣詎意其後改易詔書黜亮升駿者后爲之也僞立文字弑武悼殺愍懷者后爲之也彼羊后區區一放廢婦人囚處宮圍何預世事而今日復明日廢紛紛未已何邪姦人常懼有假之以舉事如前之爲者是以一人復之則一人廢之至辱於非類而後已哀哉

誰實基之

謝夫人名玖父以屠羊為業武帝時入後庭為才人帝以賜太子生皇孫適適立為太子拜淑媛及愍懷太子遇害玖亦死

懷帝王太后名瑗武帝宮才人生懷帝早卒帝即位追尊曰皇太后

元帝夏侯太妃名光姬沛國譙人瑯琊武王為世子納焉生元帝帝嗣位稱王太妃永嘉初薨於江左

元敬虞皇后名孟母濟陽外黃人父豫元帝為瑯琊王納為妃無子永嘉六年薨太興三年追冊為皇后

豫章君荀氏元帝宮人生明帝帝即位封建安君成帝立尊重同於太后咸康元年薨

明穆庾皇后名文君潁川鄢陵人父琛元帝聘為太子妃明帝即位立為皇后成帝即位尊為皇太后

晉太康中有司奏太子昏納徵用元纁束帛加璧羊馬二駟

東晉太子昏納徵禮用玉璧一虎皮二

王彪之上書曰或者虎取

威猛有斑彩蔚玉象德而有潤珪璋亦玉之美者豹皮彩蔚以譬君子王肅納徵辭云元纁束帛儷皮鴈羊前漢亦無用羊之禮鄭氏昏物贊曰羊者祥也婚之有羊自漢未始

成恭杜皇后名陵陽京兆人鎮南將軍預之曾孫成帝

備禮拜為皇后在位六年崩年二十一

咸康二年帝臨軒遣使持節兼太保領諸葛恢兼太

尉護軍孔愉六禮備物拜皇后杜氏即日入宮帝御

太極殿羣臣畢賀賀非禮也王者昏禮禮無其制春

秋祭公逆王后于紀穀梁左氏說

與公羊又不同而况漢魏遺事闕略者衆晉武惠納

后江左又無儀注故成帝將納杜后太常華恒始與

博士參定其儀據杜元凱左氏傳說主昏是供其昏

禮之幣而已又周靈王求昏於齊先儒以為邱明詳

錄為王者昏禮故成帝臨軒遣使

稱制拜后然其儀注又不具存

太后同

康獻褚皇后名蒜子河南陽翟人父哀少以名家入為

瑯琊王妃康帝即位立為皇后穆帝即位尊為皇太后

康帝建元元年納后褚氏而儀注陞者不設旄頭殿

御史奏今迎皇后依昔成恭皇后入宮御物而儀注

至尊袞冕升殿旄頭不設昔迎恭皇后唯作青龍旗

其餘皆即御物今臨軒遣使而五牛旗旄頭畢罕並

出即用舊制今闕詔曰今所以正法服升太極者以

敬其始故備禮也今何闕所重而撤法物邪又恭后

神主入廟先帝詔后禮宜有降不宜建五牛旗既不

設五旗則旄頭畢罕易具也又詔舊制既難具於今而備法服儀飾粗舉兼副雜器停之

穆帝永和十年臺符問六禮版文舊稱皇帝今太后臨朝當何稱博士曹耽云公羊傳昏禮不稱主人母

命諸父為主傳記裂縵來迎女不稱使也無辭窮乃命使者耳太常王彪之

云三傳異義不可全據今皇后臨朝稱制文告所達

國之大典皆仰稟成命非無外事也豈婚聘獨不通

乎六禮版文應稱皇太后詔彪之又曰天子嫁女使同姓之國為主者以受

體於皇極則有虧婚姻之敵禮至於迎后之制必禮成而後入雖復戚屬之尊亦臣妾也天王之后寧可先之蕃國然後入臨六宮乎是以祭公符又問今后來迎王后於紀使我為媒不云為主

還政不復臨朝當何稱彪之云當稱皇帝詔 升平

元年將納皇后何氏彪之正禮始更六引經傳及諸故事深非公羊昏禮

不稱主人之義曰王者之於四海無不臣妾雖復父兄之親

師友之賢皆純臣也夫崇三綱之始定乾坤之儀安

有天父之尊而稱臣下之命以納伉儷安有臣下之

卑而稱天父之名以行大禮遠尋古禮於義不通按

咸寧二年納悼皇后時弘訓太后臨天下而無命戚

屬之臣為武皇父兄主婚之文考咸寧故事不稱父

兄師友則咸康華恒所上合於舊也謂今納后儀制

一依咸寧故事從之華恒定六禮云宜依舊及大晉已行之制此恒猶識前事故王

米如初文曰皇帝曰咨前某官某侯何謀於公卿大

某官綜以禮請期后家答皇帝嘉命使者彪之重宣

中詔吉日惟八月王子可迎臣欽奉舊章肅奉典制

前某官某侯某迎用鴈羊酒米如初文曰皇帝曰咨

再拜承制詔歲吉月令吉日唯未率禮以迎今遣使持節兼太保

侍中太宰武陵王暕迎后家答皇帝嘉命使者暕重

宣中詔令月吉辰備禮以迎上公宗卿兼至副介近

臣百兩兩臣螻蟻之族猥承大禮憂懼戰悸欽承舊章

肅奉典制前某官某侯糞土臣某謹冊皇后文曰惟

因使者兼某官某侯王暕上謹答升平元年八月皇帝使使持節兼太保侍中太宰武

陵王暕冊命故散騎侍郎女何氏為皇后咨爾易本

乾坤詩首關睢王化之本實由內輔是故皇英嬪虞

帝道以光任姒母周允嗣克崇皇后其祇勗厥德以

肅承宗廟虔恭中饋盡敬婦道帥導六宮作軌儀於

四海皇天無親惟德是依可不慎歟

穆章何皇后名法倪廬江瀟人父準升平八年以名家

膺選冊為皇后無子哀帝即位稱穆皇后居永安宮永

興三年崩年六十六在位四十八年

哀靖王皇后名穆之太原晉陽人司徒左長使濛之女

哀帝即位以王妃立為皇后無子三年崩

廢帝庾皇后名道憐潁川陽陵人父冰初為東海王妃

一男而寡元帝納之生簡文帝咸和元年薨簡文卽位未及追崇孝武時追上尊號曰簡文太后

簡文順王皇后名簡姬太原晉陽人父遐遂爲會稽王妃生子道生失意以憂死孝武帝卽位追尊曰順皇后合葬高平陵

孝武文李太后名陵容本出微賤簡文屢失子召幸之生孝武帝帝卽位尊爲淑妃後追爲皇太妃

孝武定王皇后名法慧哀靖皇后之姪父蘊孝武卽位納爲后太元五年崩年二十一葬隆平陵

安德陳皇后名歸女松滋潯陽人孝武時入宮爲淑媛

生安恭二帝後追崇曰太后

安僖王皇后名神愛瑯琊臨沂人父獻之初爲太子妃

安帝卽位立爲皇后無子義熙八年崩年二十九葬休平陵

恭思褚皇后名靈媛河南陽翟人父爽初爲瑯琊王妃恭帝卽位立爲皇后帝禪位降爲零陵王妃宋元嘉十三年崩年五十三祔葬冲平陵

御十二平文所

文獻通考卷第二十三

三

文獻通考卷第二十三

御藏書

